



七



七

七

洪武七年至十二年



國權

甲寅洪武七年

正月辰召四川按察僉事茹太素鄭思先

柳州蠻叛廣西指揮使周誼討平之

庚午命六部官毋輕調

增中立府戍兵七千五百餘人

賑鎮江水災戶各五千錢

甲戌命都督僉事王簡往彰德王誠往濟寧平章李伯昇往

鹽官談遷孺木著

真定各練兵屯田王新到
靖海侯吳禎為總兵官都督僉事於顯為副總兵領舟師巡
海

己亥宣化府太子諸洞土官可主什用入貢

命水軍右衛指揮同知吳邁廣洋衛指揮僉事陳權航海餉
定遠衛諸

定藩邸自承運殿入圓殿又存心殿城門曰端禮廣智體仁
遵義 上曰諸王能顧名思義其長有國子

庚辰夜有大星色赤自天墜流至游中氣沒

辛巳月暈太微垣

壬午繁峙主簿虞文采上言行省及按察司官吏多不法
按有驗 上嘉之擢大同知府

暴風

癸未或訟曲阜知縣孔希大當逮問以聖裔置之

癸巳方谷珍長子禮為廣洋衛指揮僉事

甲午夜有大星自紫微西蕃流至陰德沒

二月酉朔日食

己亥田州土官總管黃志威為奉議州知州兼守禦事

癸卯貴州衛指揮僉事張岱擊谷峽刺等叛蠻走之

乙巳夜有赤星自軒轅流至北河沒久之又二星自紫微東
蕃流至近濁沒

增應天府知事照磨

丁未詔太子諸王祭旗纛之神

己酉故元甘肅行省平章江文殊奴左丞朶兒只星吉等自

河州來歸

辛亥太陰犯角

儋州黎人符均勝等叛海南衛兵討平之

甲寅自庚戌至是日中黑

昌邑縣潮溢壞廬舍

丁巳上坐東閣語京城西北龍灣獅子山扼險據勢作閱

江樓其工先試羣臣記記上而工欲罷工於是自為文曰

朕聞昔聖君之作必詢賢而後興朕自謀心欲役因徒建閱

江樓於獅子山朝無諫者上天垂象責朕不急朕心惶懼即

日念罷聊試諸臣為記獻者比終無異超朕特假臣言而

自尊不覺述之曰臣某拜首稽首曰臣聞君天下作宮以居

高城深隍以防皆設險之當為非有益而不興獅子山扼險

拒勢之語臣請較之而後舉且夫金陵形勢豈不魁哉昔孫
吳居此以有南土奸操忠亮卒不能取論所繇然長江天塹
次由吳德以沾民豈假樓閣江扼險而拒勢者與夫宮室之
廣臺榭之崇不急之務土木之工聖君不為 皇上撥亂返
正新造邦國聲教遠被守在遐荒為民父母使愚夫愚婦無
有讜諍臣之願也臣雖違命文不記樓謹拜手稽首頌 陛
下納忠款而歛興造息元 於市鄉是庸作歌天運循環百
物禎頌真人立命四海咸安臣歌聖德齒豁鬢斑億萬斯年
君壽南山

談遷曰 高帝非拒諫者其試諸臣閱江樓記可推而觀
也當時忌諱多矣君明則臣直其然豈其然乎

歷城等縣平陽太原汾州旱免田租

戊午脩闕里孔廟器具設孔顏孟三氏教授訓其族

仁和衛指揮同知耿天璧卒

己未免汲縣田租

癸亥貸蘓州貧民米麥

臨江侯陳德次會寧獲故元元帥堯魯迷失等九十七人六
安侯王志次朔州獲一百餘人

設直省舍人十八秩從專傳令遣使

丙寅置岐寧衛

三月卯朔召徐達李文忠馮勝還京留六安侯王志南雄侯趙

庸山西營陽侯楊璟汝南侯梅思祖北平

戊辰兵部尚書劉仁刑部主事鄭九成為廣東行省叅政

壬申奉先殿鐘成

甲戌中書省奏徵播州貴州之賦自四年始 上曰播州首

附隨其入不為賦

置雅州碣門昇民司

乙亥蘭州郭買的誘番人入寇詔購捕之其兄着沙弟火石

多往諭不聽夜斬其首歸衛官請賞 上曰買的死固當而

兄弟手足之非義也僅給以所獲牛馬

夜有星自句陳經紫微東藩至闕道而沒

丁丑改滑州曰縣

戊寅四川安縣地震

己卯燕山都衛送元降臣至京道逸諭徐達等曰今後來歸

者其善撫之無有失

庚寅賑嘉定饑民

壬辰廣西行省左丞方谷珍卒年五十六谷珍其始起至隆
凡十一年本無學術所用書佐參謀由胥史進皆苟利無遠
略一時政令租稅任意為輕重首鼠隳駒窮而歸命竟厚遇
之子禮廣洋衛指揮僉事完虎賁所鎮撫從子明謙太倉衛
指揮僉事後以驕不法舉家受僇

癸巳暹羅斛國王貢使沙里拔言去年八月舟覆所存蘇木
降香兜羅綿等來獻上恠其無表狀疑番商也卻之詔高
麗國三年一聘海外之國以世朝
乙未置鞏昌西固城千戶所

是月安南陳叔明入貢且稱老俾弟熾攝國許之然叔明實
自禮也

置杭州護衛青州護衛

咸寧華陰長清武清蝗命有司捕之

四月丙熾威佛寶國師喃加巴藏卜入貢

太常司卿呂本奉祀不恪被劾免輸作功臣廟

戊戌龍州宣慰司同知薛文勝等來朝授文勝龍州知州

中書省參政丁玉為左丞

己亥刑部尚書唐鐸為太常寺卿

都督僉事監玉攻興和元將脫因帖木兒遣國公帖里赤
赤逆戰擊之於白酒泉擒帖里赤及官屬五十九人脫因
帖木兒棄城走遂拔興和
壬寅永道桂陽諸州蠻叛命金吾右衛指揮同知陸齡率兵
討之

太陰犯軒轅

癸卯置鉄冶所大使一品副使九品進賢新喻分宜興國黃

梅萊蕪陽山鞏昌豐國大通潤國益國

馮誠為金吾右衛指揮僉事國用子

雷州王子英構海盜作亂雷州衛指揮僉事朱永擊斬之

甲辰徽饒寧國非水道艱運令今後夏稅代金錢銀布

左副將軍李文忠遣裨將至三不刺擒元平章陳安禮木屑

飛至順寧楊門斬元將真珠驢至朔州擒太尉伯顏不花

乙巳高陽縣有高辛氏廟命欽祭

丙午五色雲見

癸丑免漳泉溪海崩陷之賦

甲寅設中立府孳牧所大使從七品副使從八品

裁容城縣改雄州為縣

丙辰宋國公馮勝衛國公鄧愈中山侯湯和鞏昌侯郭子興
復鎮北邊

戊午都督僉事金朝興胡海等兵至黑城獲元太尉盧的顏
不花大司徒章平帖木兒不花等二十五人

廣東行省參政汪廣洋為左御史大夫

己未大同縣雨雹

癸亥彰德府稅課司稅及瓜菜柿棗畜牧飲食之物上以

苛細罪之

是月平鄉莊縣雄縣壽光膠州鞏縣樂亭青縣聊城俱蝗捕

之

五朔寅朔大明日曆成自工起兵至洪武六年事備載百卷

藏金匱學士宋濂等又輯聖政分四十則自敬天至制蠻夷

曰皇明賢訓五卷刊示天下

己巳免蘓松嘉興夏稅

辛未刑部侍郎平定王申立即中歷城李觀為山西行省政

事申高麗國王王額入貢表稱禮送大府監按元大府監主

收貢物今特妄言非誠上卻之賜王璽書曰寧物薄而情

厚毋物厚而情薄仍令中書省檄其大府監之失

癸酉四川行省參政侯原善為中書省參政按察僉事茹太
素為刑部侍郎鄭思先為刑部郎中

甲戌脩太廟

丙子嚴達為工部尚書趙著為禮部尚書

戊寅北平真定等旱賑之免田租

辛巳賑蘓州米麥穀三十九萬二千一百餘石并貸穀種農
具

壬午四川散毛宣慰使司都元帥卓野旺湖廣永順宣慰司
汪備雲崖安撫使月值什用各入貢上明玉珍賜印

甲申改商州為縣

丙戌五色雲見

己丑澧州及澧陽慈利石門大雨水壞城舍

壬辰兵部員外郎楊基為山西按察司副使監察御史荅祿
與權為廣西按察司僉事呂本為北平按察司僉事

癸巳五色雲見

上以蘓松嘉湖賦重令戶部計之如畝稅七斗五升者除其
半民力始甦

黃巖臨海寧海以積雨腐麥命他物代輸

增蘓州府同知通判各一

置四川散毛沿邊宣慰使司堂崖長官司汶山汶川隴木頭

靜州岳希蓬五長官司山店巡檢司

甲午五色雲見

禮部尚書牛諒致進膳禮請大祀宰牘上曰儉可制欲澹
可願性傷物何益諒曰出周禮上曰周官不行多矣獨自
奉跡之哉

安南陳端入謝

是月翰林學士承旨兼吏部尚書婺源唐同致仕賜勅

何喬遠曰惟楚有材晉實用之士不產於秦而願忠者衆
有以也危素唐同故宅仕入明皆被眷知素獨坐不敬
片耳今徒意高帝威嚴盡下而大誥首叙君臣同游何
其盛也宋濂稱帝為文時或不喜書使濂受辭榻下不
待凝注沛然若長江大河一瀉而千里一日和僧文康托
鉢歌夜二鼓命兩黃門前跪手張且讀且和運筆如飛食
頃章成蓋漢唐宋興基之主未有文如高帝者矣

六月未朔五色雲見

日本國王良懷遣僧來貢時良懷有持明之亂立爭僧膏國

臣書不表 上卻之己志布志島津越後守臣氏父亦遣僧
上表貢方物以私愧卻之

丙申江夏侯周德興江陰侯吳良署中立府行大都督府事
丁酉陳留蘭陽大雨河溢傷稼

戊戌長沙衛指揮同知丘廣為都督僉事

庚子馬湖知府珉德遣弟貢馬廷臣謂洪武四年授世職今
珉德既襲不自朝非禮 上卻之

辛丑辰州衛五寨長官司田文來朝
夜有星自紫微垣右樞流至少尉沒

癸卯詹同仍翰林學士承旨兼吏部尚書

壬子免平涼逋租三萬八千五百餘石

癸丑置貴州大華麻鄉二長官司

初定遼衛都指揮使馬雲漕海值風覆四十餘艘失米四千
七百餘石捐卒七百十七人 上厚恤死者家金吾衛指揮

僉事陸齡奏不盡實遂下吏

乙卯日本僧七十一人游至京令居天界寺

戊午立皇陵祠祭署汪文為署令劉英為署丞世上徵時太

平鄉孤村庄庄人劉繼祖子英 上幼育之汪文隣母汪氏子

又隣人趙文達子璧世指揮

汰北方郡縣官 上命吏部臣曰古稱任官惟賢北方郡縣有民稀事簡設官與煩劇同者量減之母疲民供於是共減官三百八人

日本國歸所掠百有九人詔各還里

壬戌西域撒里畏兀兒安定王卜烟帖木兒八貢撒里畏兀兒地去甘肅千五百里廣袤千里居毳帳產駝馬牛羊 上賜錦綺四詔其酋長分四部給銅印曰阿端曰阿真曰若也曰帖里

癸亥召淮安侯定遠華雲龍未至卒雲龍起小校累功封侯鎮北平頗驕僭居脫 大第用元宮龍榻 上讓之遂荒飲疾作故事侯當贈上公雲龍墜祭仍侯禮學士宋濂奉命作神道碑有曰侯從征四方粗著勞效初無獨建奇功駿烈照耀人之耳目然而封以大郡錫之封爵寵恩之加不為不重矣奈何徇欲敗度絕無憂國恤民之心乃知往古韓彭之流怙功自尊卒致夷滅皆其自取云爾

談遷曰淮安侯以微時股肱歷橫草之勳列在帶礪其湛飲自放亦武人不學之過也宋景濂輒引韓彭為言夫

高帝豈石人者自登極以來猜端蘊積輕啟嫌忌雖不當
諛墓獨不少存惟蓋之義耶其後誅廢接踵未必非景瀛
開之也沙中偶語反封雍齒景瀛胡不聞焉

是月南陽衛指揮僉事南陽郭雲卒元季倡義保裕州泉白
寨歷加湖廣平章元亡我攻之不下後被縛上義而釋之
子洪特授飛熊衛指揮僉事

七甲子朔更定南北郊從祀禮

勅中書省臣曰甲冑之成勞民矣其初剗山取礦鍊石成汁
凝精為鉄然後鍛鍊剪製聞陝西甲甚多當鑄錘零落使視

而脩整之

左副將軍李文忠攻高州大石崖克之斬元宗王朵、失里
擒承旨百家奴又追至檀帽山斬元魯王 及司徒

谷海俊平章把剌知院忽獲都魯王妃蒙哥禿并金玉印一

丙寅太陰入太微垣

丁卯裁新安縣保定府改沔州鳳州為縣漢中

戊辰密雲衛千戶陳壽等巡塞外以元平章白捨住等來降

置思州龍泉坪長官司

辛未永平衛百戶畢勝巡紅羅山獲元同知楊普賢奴進

角山擊判田 斬之

壬申倭寇膠州官軍擊敗之

甲戌倭寇海州百戶何達擊斬二十四人

置南丹州土官莫金為知州

乙亥荒忽灘故元樞副撒里答歹來降

己卯五色雲見

置西安行都指揮使司於河州轄河州朶甘烏思藏三衛進

朶甘烏思藏亦行都指揮使司

授朶甘烏思藏答力麻八刺灘頂國師賜玉印元帝師後

西番兆日者長勘卜監藏等獻葡萄酒 上曰中國有林釀

其卻之賜酋長文綺襲衣遣還

庚辰廢莫州東光陵縣

辛巳 皇子桂生

壬午倭寇大任海百戶許章擊敗之追戰死

設公主府家令司丞錄事

甲申自庚辰至是日太白晝見

丙戌命山西陝西北平諸衛軍依期艾草毋勞民

庚寅雲南建昌故元左丞阿里來降

辛卯廢瑞州永平

壬辰李存義為太僕寺丞善長弟

戶部尚書顏希哲為山西行省參政刑部尚書李儼為陝西行省參政戶部侍郎馬貫為尚書

是月有御史還自廣西上平蠻六策內曰立威上非之曰威惠並行此制蠻夷之道也

甲午朔工躬祀歷代帝王廟伏羲神農像勿冕服於漢高祖加爵曰古帝王皆有馮藉惟君及我不階寸土也其祭元世祖文曰朕本元之農民初無黃屋左纛之意不揆菲德繼

承正統唐虞禪授湯武征誅因時制宜其理昭然神靈在天想自知之

華亭開城綏德米脂俱雨雹

禮部主事牛諒復為尚書

丁酉申定兵衛之政衛兵五千六百人衛領千戶十千戶所領百戶十百戶領總旗二

遣賜占城國王上樽文綺紗羅賞去年獲賊功

澄邁典史彭楫擊斬盜王官金瓊州

戊戌遣故元威順王伯伯賚詔招諭雲南梁王把匝剌瓦爾

庚子改中立府曰鳳陽置鳳陽縣
夜太陰犯箕

辛丑刑部侍郎茹太素言三事曰御史臺案牘宜守院御史
檢舉曰增磨勘司官吏分其科曰外省會議須按察司司官
糾正上從之增磨勘司司令一司丞五首領官五
詔曰咨我軍士為朕開疆拓土沒於戰場屍不至冢魂無所
棲父母年高妻孥子幼不能存恤民間避兵者亦有至今父
子分離或子沒親老或親沒子幼靡所怙依此皆朕過有司
具名聞朕安居存養之

罷安州千戶所仍設青州千戶所

癸卯遣賜故元臣禿魯書

故元國公乃兒不花欲降懼責前舉遣使言於大同上
詔勞之

甲辰遣元臣趙元祐張進沙德成骨詔諭雲南大理總管段
明許封大理國王使還當給印誥

乙巳歲星犯軒轅

庚戌兵部尚書孫克義為湖廣行省叅政召陶凱還
癸丑李世昌為金吾衛指揮同知思齊子

乙卯增列侯武臣祿秩

高密縣大雨傷稼

丙辰左副將軍李文忠兵至豐州追擊元兵擒元將十二人
俘餘衆二百二十人

己未夜有星自紫微西蕃右樞旁流至雲中沒

庚申賑河間廣平順德真定饑民免田租

辛酉五色雲見

監察御史谷祿與權請行禘禮祀始祖所自出之帝禮部謂
漢唐來世系無考故宋神宗嘗曰莫知祖所自出禘不可行

也 上是之 谷祿與權有集一卷雅淡一卷黃省曾序之

九 癸亥朔兵馬指揮司副指揮世家賢為兩浙鹽運司副使
甲子安定縣雨雹

乙丑定躬祀儀迎神四拜飲福受胙四拜送神四拜著為令
丁卯周巖襲駝騎左衛指揮使父顯戰死

戊辰中書省平章政事李思齊卒思齊字世賢羅山人元季
倡義兵累功官太尉中書平章政事後以臨沔降授江西左
丞從征定西大同年五十二妾鄭氏自經贈淑人謚貞烈子
世昌金吾衛指揮同知

辛未罷泉州明州廣州三市舶司

罷信寶局置寶鈔提舉司

癸酉昏有星自太子旁經紫微西蕃抵北斗柄沒

河間蝗

丁丑上曰崇禮侯買的里八剌南來五載今既長成豈無
父母鄉土之思厚禮而歸之復遺元王織金文綺各錦衣各
一襲致書焉選故元宦者二人送之

談遷曰高皇帝雖以漠北為外懼屢馳尺一開誘百端
終無一介之使稽顙南闕則崇禮侯特空質耳不足邀其

詆憤之愛何如歸之以示德也五年之間帝豈一日忘

犂庭哉寧為放廢母為破卵則權此最熟矣

裁北平保定縣

己卯翰林進回鑿樂歌凡三十九章隸於太常

庚辰設廣西行省參政

乙酉改王相府參軍為長史

丙戌貴妃孫氏薨年三十二謚成穆命周王禡服慈母斬衰

三年主喪事皇太子諸王皆替莖朝陽門外之楮岡初禮

節據周禮儀禮父在為母服若庶母則無服上迂之定

為今制

是月燕山都衛指揮使朱果通州衛指揮僉事鄭治汝寧衛指揮僉事馬俊密雲衛指揮僉事張斌等俱出古北口防秋值元兵戰死上手撰文祭果俊

高麗國王王額卒

三佛齊國王麻那荅里林邦入貢

十期子靖海侯吳禎總兵巡海還朝

甲辰置涼州衛

丙午五色雲見

庚戌收糶民入養濟院凡千七百六十餘人

甲寅太陰犯軒轅

丙辰置岢嵐縣

己未下皇長孫雄英生妃常氏出

置河州茶馬司

庚申置思南宣慰司平頭著可沿河祐溪二長官司厥柵朗

溪三蠻夷長官司

琉球國中山王察度遣弟入貢

十一戌朔孝慈錄成因孫貴妃議服於是勅翰林學士宋濂等

攷古今論喪服者四十二人願服者十四人服三年者二十一人乃立為定制子序之曰三年之禮豈不近人情者哉夫父母一也父服三年在則暮母其於人情何如且古人新喪飲食不入口者或五日或三日或六日或七日或朝抵暮而悲號或三年不語焉服內生子謂之不孝朕覽書度意皆太過不近於人情果然孝子之家為已死者傷見生者十亡八九矣在民人則生理罷在王家則國事廢非萬古不易法且夫庶母無服則父死而子可乘之耶朕觀宮生之君好任山林之士為股肱致牽制文義徒非今是古非天子不議禮朕立為定制子孫為父母庶子為其母皆斬衰三年嫡長子衆子為庶母皆齊衰杖朞五服喪制並著於書使內外遵守之

郭正域曰古之帝王以五禮經邦國而以凶禮哀死喪哀周之世半去其籍孟氏於諸侯之禮未之學也況其他乎詩人所為賦庶冠也然典故之所掌顯門之所謀求視他禮或有存者禮記所載喪儀居年儀禮有士喪喪服士虞既夕諸篇漢書載國郵為詳唐李義府許敬宗乃以為非臣子所宜言蓋削而不書國有大事則臨時采掇附比從

事事已諱而不傳是不知送終之為大事也諛已甚矣宋
史園陵喪紀獨詳高皇聖神廣覽有詔無諱而集禮一
書成於中年南北不刊之典至孝慈錄成而大義微文廣
大精微無所不至如父母之制為斬衰也長子之降為朞
年也三父八母正宗外族正服旁服之有殺也三代聖人
未之及也聖人人倫之至非高皇莫之能改也

細哈出侵遼陽千戶吳壽等拒卻之

改廣東欽廉高化四府曰州裁晏遠合浦茂名石阡四縣
置慶遠裕民司於思恩縣專買溪峒之馬

甲子詔西竺僧的違撒哈咱失里為善世禪師又都綱副禪
師各給誥

乙丑更作奉先殿

丙寅詔曰釋愆宥罪昔君未嘗輕發則精詳至慎恐有罪
重而僥倖自脫者青兕赦怙終賊刑書明載焉漢唐及元
儒君承業權由奸佞因有大赦雖脫君子之微差善良之誤
失則奸頑漏網鬱抑多冤日者五星紊度黎庶匪寧阜仁悖
理非朕而誰特令條陳諸罪若果真犯雖皆不原其餘誥悞
因人致罪者盡在赦

壬申夜有星自紫微東蕃流至天市沒

丁丑暹羅斛國世子蘓門那王昭祿群膺八貢 東宮上箋

許之

戊寅改設州為縣東平府為州

己卯定群牧監令 五品丞 六品

故宣寧侯曹恭弟聰溫恭俱為千戶所鎮撫

辛巳杭州衛軍章憲詣闕言鹽法事授本衛鎮撫理鹽塲

壬午詔中書省御史臺先官吏有罪謫佃鳳陽者選其年及

四十之上復用之年未及者仍留屯田故犯公罪經宥免者

亦復錄用時徵至百四十九人各授秩

改典禮紀察司為紀察司罷四川茶鹽運司

太陰犯軒轅左角

改永寧軍民安撫司為宣撫使司

丁亥置播州黃平宣撫司容美洞宣撫司

辛卯泗城知州岑善忠利州知州岑志良奉議州知州黃志

威各工表貢馬

是月置鎮西衛寄嵐州

十二辰朔增置朵甘思宣慰司及招討司六曰朵甘思曰朵甘

龍峇曰朶甘丹曰朶甘倉溘曰朶甘川曰磨兒勘萬戶府曰
曰沙兒可曰乃竹曰羅思端曰烈思麻千戶所十七

甲午禮部員外郎許允德使朶甘烏思藏

戊戌開封陳留等縣水災免田租

辛丑 上以臨沘蘭縣河州道遠每鹽引減納米二斗餘處
折收俱加五斗

鑿石灰山河

甲辰 上註道德經成序曰朕即位以來罔知前代哲王之
道皇、宵晝訪究諸人、皆我見試簡群書得道德經文淺

意奧莫可知道遂罷觀之旬日又獲他卷註家復異朕悉視
盤桓意欲試注恐今後笑一日見經云民不畏死奈何死懼
之是時天下初定民頑吏弊雖朝有十人棄市暮有百人而
仍為豈不應與朕乃罷極刑而因役之不逾年而朕心減故
曰吾言甚易知甚易行天下莫能知莫能行豈不信哉

乙巳召安陸衛指揮吳復

庚戌官軍平陽江盜

壬子貴州衛指揮僉事張岱討播州汪度叛蠻平之

癸丑裁濟南新縣

乙卯刑部侍郎李浩使琉球以文綺百綺紗羅各五十陶器
六萬九千五百事鉄釜九百九十市馬
丁巳石砮安撫司同知陳世顯及安撫使馬克用子村得什
用入朝貢

己未禮部員外郎許允德卒於河州

罷禮部尚書牛諒

遣靖海侯吳禎往浙東收籍台温明方氏舊兵惡少多募引
平氓富室為兵瀕海大擾寧海知縣潞州王士弘上書言狀
上即日罷之己擢士弘南雄通判

夜有星自紫微垣北斗魁流至軒轅左角分五小星以沒
是月詔衛國公鄧愈中山侯湯和還京

乙卯洪武八年

正月戊申書左司郎中張善為禮部尚書
癸亥夜榮經名山廬山三縣地震

甲子四川永寧長官司祿照為永寧宣撫使
置陝西歸德守禦千戶所一罕東等百戶所五

丙寅工與學士宋濂等論人才或隱於俾老卜筮負販之
流在工能拔用之耳濂曰昨僧名傳賢臣文大可取上索

閱大善之

汰四川屬縣冗官二十九人

茲山衛都指揮使曹興為大都督府僉事

庚午置俄力思軍民元帥府怕木竹巴萬戶府烏斯藏籠答

千戶所改四川石砭安撫司為宣撫司

辛未增祀功臣廟華雲龍李思齊等百有八人

改蠡州曰縣

鄭州知州當塗梁敏以廉能著晉工部侍郎

壬申五色雲見

癸酉上諭中書省曰吾在民間目擊鰥寡孤獨饑寒困踣

之徒常自厭生亂離過此此心惻然誓清四海以同家安若

天下民有一失所非惟代天之工不盡亦昧朕初志郡縣其

訪求無告者給屋舍衣食

山陽民有父得罪當杖請代工曰朕為孝子屈法勵天下

釋之

丙子故元降將瑣納兒加為治書侍御史

改宣慰司冉如厓為宣撫使置平茶洞邑梅洞麻兔洞

石耶洞長官司

夜月食

庚辰酣飲奪濟寧侯顧時六安侯王志倭仍諭大將軍禁約

辛巳翰林脩撰李叔允致仕

命衛國公鄧愈河南侯陸聚往陝西中山侯湯和平章李伯

昇往彰德真定指揮馮俊孫通賴鎮往汝寧李謚耿孝黃寧

李青陳方盧武往北平永平董兵屯田開衛戍守

廣東盜陷會同縣海南衛官軍擊斬之

乙酉陽曲地震

丙戌置安足阿端二衛從下顏帖木兒之請沙刺為指揮同

知亦班藏卜下理不花護出院者帖木兒為指揮僉事

置失保赤千戶所河州衛

刑部侍郎茹太素降主事

丁亥命天下立社學

罷鐘山衛雄武衛龍驤衛尋改定遠衛曰龍驤

湖廣行省參政孫克義降上元知縣

是月河決開封大黃等隄詔役三萬人塞之

温州大風雨潮溢壞居人舟楫

高麗占城暹羅斛日本瓜哇三佛齊諸國皆入貢

二辛卯朔故元平章柴驢見右丞於真自寧夏來降

工部尚書李敏為江西行省參政

壬辰夜太陰犯五諸侯

癸巳外夷山川附祭各省山川之次如廣西附祭安南占城

真臘暹羅瑣里廣東附祭三佛齊瓜哇福建附祭日本琉球

渤泥連東附祭高麗陝西附祭甘肅及甘肅烏思藏羅京城之

祭

甲午置湖州守禦千戶所

免雜犯死罪輸作終身徒流罪限年輸作吏犯贓謫鳳陽屯

種民犯流罪鳳陽輸作一年然後屯種

乙未製陪祀官入壇牙牌

己亥罷保定遂縣改平昔縣為太原縣

庚子晉府左傅兼太原都衛都指揮使謝成為大都督府僉

事左傅如故

壬寅重定頒賜及迎接詔誥儀頒詔諸番及番國迎接儀

乙巳大都督府經歷韓焯為戶部尚書

丙午戶部尚書俞溥為江西行省參政

上作資世通訓成凡十四章首君道凡十八事曰儉曰素曰

勤曰敬曰祀曰戒曰親曰內曰外曰孝曰慈曰信曰仁曰智

曰勇曰嚴曰愛曰以時次臣道凡十七事餘十二章民用士

用上用商用等

己酉朱善為翰林脩撰張迥高連善黃琮張美和為國子助

教

辛亥置四川鎮南宣撫司鎮遠忠義安撫司忠義蠻夷安撫

司池著洞田阿洞世業三洞長官司大旺宣撫司東流安撫

司皮蠟洞井壩洞九明蠻夷三洞市備全蘭四長官司

日中黑

壬子戶部尚書馬貫為浙江行省參政

改代縣曰州

癸丑召大將軍徐達左右副將軍李文忠馮勝濟寧侯顧時

等還

置書畫庫

甲寅御史中丞商嵩為浙江行省參政

乙卯改馮州曰縣

戊午改金筑長官司密定為安撫司

庚申命刑部尚書劉惟謙申明馬政

三朝百朔作大明寶鈔鈔一貫准錢千文銀一金禁民間金銀

貿易商稅錢十三鈔十七

王世貞曰凡貿易金大貴而不便小用且耗日多而產日

少米與錢賤而不便大用錢近實而易偽易雜米不能久

鈔太虛亦復有泛爛是以白金之為幣長也

談遷曰元世祖行交鈔耶律楚材曰金章宗時初行交鈔

與錢通有司以出鈔為利收鈔為譱謂之老鈔至於萬貫

惟易一餅民力困竭國用匱乏當為監戒今印行交鈔宜

不過萬定蓋鈔之難行久矣高皇厭鼓鑄之偽取桑穰

之便嚴立其程百年以後徒充宴養商民手絕則虛楮終

無以前民用也

置行用庫

夜有星自騰蛇流至奎宿

詔計田均工役初田一頃出一丁至是計田定役農隙赴京

役三旬遣歸田淳丁少克以佃人資粟一石畝出米二升五
合他郡縣雜差亦如之

癸亥夜熒惑犯填星

甲子免交河縣逋租

丙寅命皇太子及諸王祭皇陵

丁卯高麗王王顓卒來告喪

戊辰選國子生林伯雲等三百六十六人分教北方

庚午浦子口倉火

壬申改內府鈔庫為寶鈔庫

丙子立張巡許遠廟於歸德

太平教授江陰孫作嘉興教授山陰胡隆成為國子助教

戊寅戶部侍郎趙好德為尚書

置中都國子學

甲申德慶侯廖永忠卒永忠巢人從兄永晏以巢湖軍歸取

安慶九江嘗六艇戰漢巨舟鄱陽湖中拜征南將軍平定閩

廣又拜征西副將軍克瞿塘平夏號令嚴明所至威惠坐僭

侈失人臣禮下獄死年五十三子權嗣

王世貞曰劉辰國初事蹟載永忠僭用龍鳳章服不法事

處死辰蓋其時人當不誣而攷之國史於永忠卒立傳且
載其功頗詳又云 上賻遺之甚厚以其子權襲爵而功
臣錄吾學編皆因之則辰說誣矣及考洪武十年特赦江
夏侯周德興罪召大臣戒之有云廖永忠數犯罪屢宥不
悛又復僭侈失人臣禮甚矣永樂十五年劾錦衣衛指揮
紀綱獄詞有云廖永忠為開國功臣以僭分犯法而被誅
乃知永忠實以誅死蓋 高帝一時之忿不暇寬處既刑
而後悔之且念其功故加賻葬且使其子襲封脩史者緣
而為之諱耳

袁袞曰德慶侯兄弟皆以鷹揚之才遭逐鹿之會從龍渡
江首基王業而楚公獨困於豫且惜哉方彭蠡之戰也流
血為湖僵屍成丘而永忠出沒洪濤輕捷若飛矢石如雨
下而意氣彌厲竟剪修鯨功冠諸將雖周瑜之赤壁謝玄
之淮淝曾不足數功亦奇矣哉城吳掃閩席卷五嶺及破
瞿塘搗重慶智勇俱奮功齊穎國非至驍駿疇克爾哉昔
渾濬爭功鍾鄡構孽名墜身隕為世大笑而德慶以湯公
未至不受璧降從容推讓有足多者跡其勲伐豈不六王
竟以小肯靳上公之賞信哉成功之難居也

談遷曰德慶侯勳最鉅以窺首斬其工公及平蜀上自
為文曰傳一廖二獨不可以上公酬之乎而終斬之又必
有故矣即僭用龍鳳章服蓋沿胡元之習非跋扈大不道
也因我宿嫌加之重譴商是以降銜刀日銘矣
乙酉上閔驛傳免馬人田租以優之

丙戌改莊浪州為縣

戊子故元

國公乃見不花來降置官山衛

大同乃見不花

為指揮同知

是月洪武正韻成初上諭翰林侍講學士樂韶鳳宋濂等曰

韻學起於江左殊失正音有獨用當併為通用如東冬清青
之屬有一韻當折為二韻如虞模蘓遮之屬此類未可枚舉
卿等廣韻刊定之於是待制王僊脩撰李叔允編脩朱右趙
堦朱應典簿瞿莊鄒孟達典籍孫善荅祿與權共成之

四唐寅朔奉先殿成

遂寧李彥才因亂失其子添祿二十餘年彥才隸應天衛卒
至是添祿薦任澧州石門稅課局副使歷訪得之求侍養
上憐之除彥才伍籍許就養

辛卯工幸中都遣祭滁陽王廟

丙申遣靖寧侯葉昇巡浙閩海上防倭造舟
庚子慶遠府那地縣土官羅見來降命羅見知縣事

改獻州青州俱曰縣

甲辰皇太子攝北郊

乙巳仁祖淳皇帝忌辰上祭皇陵

置金州衛

歷城地震

遣祭閣平忠武王常遇春

丙午遣曹國公李文忠祭外大父楊王

丁未五色雲見

辛亥淳皇后忌辰上祭陵

丁巳還京

彰德大名蝗

臨沔平涼河州雨雹傷麥免其租

罷中都役作初上倣周漢之兩京至是賈劇寢之

賜六部尚書各省叅政公田祿米各百石

誠意伯劉基卒基字伯溫青田人元至順癸酉進士除高要
丞進賢鄧祥甫善數學盡授之歸補行省掾又補江南儒學

副提舉論御史失職歸起為元帥府都事進行省都事奪官
再起遷樞密院經歷假行省郎中下補總管府判官歸及應
工聘屢察乾象畫計定天下受爵以胡惟庸嫉之侍京師得
疾惟庸拉醫來中其蠱遂篤上命歸里月餘卒封天文書
囑子璉服闋工之勿習也又遺書勸上脩德省刑祈天永
命諸形勢要害之地宜宿重兵年六十五所著郁離子十卷
覆瓿集二十四卷寫情集七卷犁眉公集五卷行世
楊守陳曰三代之英卓矣漢以降佐命元勳多崛起草莽
甲兵間諳文墨者殊鮮子房之策不見詞章玄齡之文僅

辨符檄未有樹開國之勲業而兼傳世之文章如公者公
可謂千古人豪矣而世或疑其事元或獨稱其象教是猶
訾伊尹之屢就知周公止於才藝而已不已陋乎
袁宏曰孟軻有言五百年必有王者興其間必有名世者
信矣哉如劉公者其卓然名世者乎方其不早小官以鴻
漸之翼困於燕雀其與五就桀者何異及既佐真主謀
帷幄言行計從權若魚水子房之於高祖孔明之於先王
不足稱也觀其先楚後吳決成敗於一言定大業於呼吸
大矣哉王佐之才其伊呂之儔與功成身退希赤松之辟

穀慕陶朱之遠游可謂既明且哲者矣而卒困於胡惟庸
之口向非高皇帝之明危矣詩曰讒人罔極又曰貧人
敗類可畏也夫

王世貞曰世以誠意伯多幘幄契又善天官家言誠巧合
奇中矣然不明其所由授死而上之中秘雖其家亦無習
者世所傳皆謬大較誠意伯之為人磊落慷慨不愛其奇
以佐吳王男子哉至明哲保身之微視少伯子房小讓矣
陳子陸曰文成開創之功不減子房道術相類說者以末
節不及予謂高祖之豁達可以情求我太祖之天成難

以死請其時勢稍有不同要之留侯以智全誠意以忠全
其善終一也

何喬遠曰世言誠意伯讀書山中山石忽裂伯竄入其中
取出陰符經其後多驗用伯死遺令燔屍揚灰皆謾誕不
足信及觀世所傳基竊恠基以名世才佐高帝五百年
之會不合徒多畸略小謀取屢中而已予居京師得與伯
九世孫志學游為予伯所佐高帝皆廣論大義志學言
其家有諸父年九十餘具述如此伯奇智先占而不免胡
丞相之毒何也跡其明哲保身視子房讓矣至文治武略

求古佐命之臣可謂兼焉

五原申朔貴州衛指揮同知胡汝討江力江松刺向等寨叛蠻
戊辰內使趙成往河州以綾綺羅帛茶市馬

談遷曰此中人奉使之始初闔禁甚嚴不令識書有言及
時政立斥之其河州之命何也可奉使亦可鎮守監軍採
權封貢矣天下之患嘗發於所不及料 聖祖既料之亦

未堅持其終也

丘濬曰自唐以來中國馬不足往 與戎狄互市然多費
財用而實無益於用宋南渡以後失中原宜馬之地而所

資以為戰騎者求於西南夷蓋有不得已焉今世全得中
原之地凡西北高寒之所宜馬之地皆為吾之所有苟制
置得宜牧養有道典掌得人又何患於無馬乎患無其人
耳

己巳召鳳陽行都督府都督僉事胡海以都督僉事丘廣代
命永嘉侯朱亮祖等同穎川侯傅友德備班平

陝西按察僉事虞以文言漢中多深山自軍民屯種外皆莽
塞獸伏渠堰荒棄乞戒祖徭漸墾平野之田從之

庚午五色雲見癸未亦如之

庚辰戶部尚書宋冕為陝西行省參政

丙戌故元廣平王保咱司徒保、威寧王帖文來降

戊子大同太原雨雹真定蝗

常州通判臨桂鄒彰治最晉浙江按察僉事

六月辰五色雲見己亥亦如之

甲午安南陳端入貢命中書省諭安南高麗占城等三年一

朝貢

丁酉國子生李擴等以少俊直文華武英二堂並命為御史

壬寅置紹興織染雜造二局

丁未戶部尚書趙好德為陝西行省參政

庚戌夜有星自天舡流至五車沒

丙辰青田盜起命錢塘指揮僉事賈真討平之

戊午高郵大水滄景河間旱免田租

吏部尚書呂熙卒

七月未朔日食

庚申勅孔克伸為曲阜知縣時孔希大有罪

辛酉改作太廟

壬戌曹國公李文忠為征左副將軍濟寧侯顧時為右副

將軍往北平傅友德朱亮祖還京

戊辰許百官親喪不待報即歸北平按察僉事呂本以官吏

聞喪先檄原籍覈確始奔訃於人情非便 上大是之

京師地震

庚午國子生未娶者給錢婚聘女衣二襲月廩一石

辛未翰林待制祥符王傑致仕 元國子助教

丁丑應天太平寧國鎮江蘄黃久旱免今年田租

甲申定五祀禮孟春祀元孟夏祀心季夏祀中雷孟秋祀門

丙午禮部尚書張善為湖廣行省參政

淮安北平河南山東大水傷稼

己亥勅太師韓國公李善長永嘉侯朱亮祖南安侯俞通源

撫諭諸屯勸督農事

己酉遣使西涼甘肅賜衛經歷熊鼎蔡秉彝衣裘

故元右丞相河南王擴廓帖木兒卒於漠北擴廓帖木兒穎

州沈丘人少育於舅察罕帖木兒遂子之沉勇好義元亡嗣

主走和林以數千騎徇之數苦邊 上時致書幣輒留使不

遣 上心壯之嘗宴問諸將今男子誰也皆曰常國公 上

曰遇春吾得而臣之吾終無以臣王保保真男子也夫人毛

氏自經殉之

王世貞曰明之始興也能為勦者惟陳友諒擴廓守其
下友諒也得之速非我速也彼失之速也其破擴廓也得
之緩非我緩也彼失之緩也

何喬遠曰陳友定王保保為元幾尺寸然皆未見一心恭
命流離靡他且夫王保保不國家之急而先私仇使
得次第齊魯汴洛間厥後乃遁而不南即男子晚矣
得天下有天助哉有天助哉

談遷曰水德將訖種風未恬中原之布衣如蔡罕如李思

齊同袒並呼力掃妖寇擴廓繼之環并豫澤潞之師勢得

自擅乘彼解紐構在同室皇天后土失盟於寧俞瓊并玉

纓開罪於子玉長城自壞亦非一人緩則仇之急則將之

待勞臣以饑鷹供上宰於讒虎元之不德亦云甚矣王庭

垂北狼顧莫支雖為捲土之計原涇蘭靖之間屢煩王旅

中山號為百勝頃挫其績則擴廓之能軍亦可覩矣盱眙

之函徒聞洩溺焉支之山不無慟哭世之為男子者多矣

獨讓我擴廓出於宸鑒未始為激論也

乙卯陳州雨雹

丁巳房山寧晉等縣蝗

翰林脩撰荅祿與權降典籍

太白晝見

是月浚登州蓬萊閣河役萬五千人

九朝商改建大內宮殿

癸亥陝西通卒為盜西安衛指揮使濮英捕斬之

戊辰湖廣行省參政宜興吳雲使雲南招諭梁王把匝剌瓦

爾雲仕元授端本堂司經遷翰林待制元亡授校書郎歷刑

部尚書外遷辨有口梁王嘗使知院鉄其等二十餘人於漠

北大將軍獲馬送入京上出獄雲中同知院等入滇行主

沙糖口知院相與謀吾屬奉使中道被執歸則死矣不如劫

雲令為漠北使以復命皆曰善因共持胡服脅雲不聽殺之

己巳罷福建寶泉局

甲戌改光祿寺為司

丙子故元將張致道數犯邊至是大同衛兵捕斬之

己卯靖海侯華昇都督僉事於顯舟師還京

癸未日中黑

甲申召中山侯湯和吉昌侯陸仲亨還京

林溫朱右朱蕪為秦晉楚府長史趙堽為靖江王長史
丙戌三佛齊國以拂菻國入貢

十月亥朔工謂中書省臣曰古人立賢無方孟子曰有恒產
者有恒心今郡縣富民多有素行端潔通達時務者有司審
擇之遂命戶部第民租之工者下其姓名諸道訪覈以聞
西安衛都指揮使濮英王銘以都督僉事葉昇林霽峰往
命中書省工匠物故棺歸之復三年不役

乙未城鳳陽皇陵

丙申徙鳳陽郡治於臨濠新城

丁酉暹羅斛國占城國入貢

丁未改彰德千戶所為彰德衛

祥符祀陳留封丘睢商水西華蘭陽鹽城俱大雨水免田租

右丞丁玉還自北平

庚戌五色雲見

壬子命皇太子秦王晉王楚王靖江王游中都講武太子
贊善大夫宋濂長史林溫朱右朱蕪趙堽等從工道賜東
宮濠梁古蹟一卷命濂詢訪及中都還因導游荆塗二山
癸丑改各都衛為都指揮使司俱隸大都督府北平陝西山

浙江江西山東四川福建湖廣廣東廣西遼東河南及陝西
山西行都指揮使司

甲寅雷電

乙卯命翰林臣攷議陵祭朔望節序禮翰林學士樂韶鳳奏
諸廟寢園各有便殿日祭於廟時祭於便殿漢都洛陽以闕
西諸陵又遠但四時致祭洛陽諸陵每正月祭郊廟畢行禮
唐園陵皇祖至太祖陵皆朔望節序祭皇考陵朔望節序進
食我朝每歲元旦清明七月望十月朔冬夏二至用太牢致
祭其伏臘社每月朔望用特羊
丙辰浚滎陽縣洪渠堰

十一 朔夜有星自天廚流至雲中沒

乙丑考大祀登壇脫舄之禮樂韶鳳奏古者侍坐於長者履
不上堂解履不敢當階漢魏以後朝祭則洗襪唐禮正旦冬
至稱賀上公一人至西階脫舄解劔宋開寶通禮太廟神祿
饋餼禘祫皇帝詣東階解劔脫舄今擬於郊廟前期設御幕
於壇東南門外又設執事官脫履之次於壇門外西側從
之

丁卯暹羅斛國舊明臺王世子昭勅羅局八貢
甲戌甘羅降南郊

丁丑增設六部官

戊寅改岢嵐為州

前福建按察僉事李泰河南知府周肅為戶部尚書戶部員

外郎程昱松江通判王庸工部主事程昭為戶部侍郎

壬午登州衛知事周斌為戶部侍郎

是月故元寧肅王板的失里來降至華陰疾卒

十二月亥陝州人妄言得天書以惑眾斬之

壬辰京師地震

癸巳糧長雜犯死罪及流徙者杖之仍掌糧稅納銅贖罪

潮州衛指揮僉事李德等捕倭逗遛逮斬之

丙申前湖廣叅政陶凱為國子祭酒時年老仍致仕

置鎮南大奴辰原龍潭采色臺平上河六安撫司

癸卯置西安中護衛

丙午免宛平蝗租

癸丑日中黑

甲寅賑蘓湖嘉興松江常杭太平寧國水災

乙卯鳳陽衛指揮使合肥瞿通以都督僉事致仕洪武二十

九年正月卒贈右都督子能嗣

是月納哈出犯遼東都指揮使馬雲葉旺等戒蓋州衛指揮
吳立張良佐房嵩等堅壁勿與戰納哈出至見蓋嚴不敢攻
越之趨全州時全州城未竣戍士少指揮韋富王勝分門禦
之納哈出裨將乃刺吾特勇率數百騎至城下抵戰城上弩
射之乃刺吾傷遂獲馬富等復出戰走之納哈出不敢徑蓋
州從城南十里沿柞河遁去旺策其必趨連雲島移兵柞河
自連雲島至窟駝寨十餘里壘水為城隱釘板沙中掘馬窰
伏而待命餘兵卷旗候兩山間約雲亦立旗城中若虛無人
者敵至旺等俟其過城南砲之伏起鼓聲如雷矢石雨下敵
北奔趨連雲遇冰城馬皆折入窟遂大潰雲自城中追擊至
將軍山旱栗河斬獲及凍死者甚衆旺乘勝與良佐等逐至
猪兒峪獲人馬亡筭納哈出僅以身免送乃刺吾入京授鎮
撫賜妻妾田宅先是工勅雲等天寒必入魁第堅壁清
野扼其歸路不可坐致也果如工所策

丙辰洪武九年

正月午擇勳臣子有才者一百四人為散騎參侍舍人秩視八品

己未詔太常朔望祭陵以少牢著為令

辛酉增華亭上海縣丞主簿各一

甲子 上告諸王就國於南郊先是告廟社山川

刑部尚書徐本為陝西行省參政趙厚堅為廣東行省參政
中書左司郎中韓士原為刑部尚書上元知縣孫克義為廣東行省參政

乙丑定王國禮樂并祭祀之制

丙寅遣祭雞籠山功臣廟祔福建都指揮僉事余隆等百三十一人

復保德縣為州

丁卯徵請佃鳳陽官吏五百十八人赴京命中書量用之

前監察御史焦普等三十三人為秦晉燕府紀善等官

庚午太歲風雲雷雨嶽鎮海濱鍾山京畿山川月將京都城

隍諸神壇殿成 上親告祀

癸酉夜有大星自星宿行至近濁波又大星自軫宿行至游

氣中沒

甲戌戶部侍郎湯槃為秦府右傅都督謝成致仕湖廣參政
陶凱為晉府左右相太原護衛指揮使袁洪戶部侍郎陳顯
為左右傅河南參政陳昧為燕府右相都督僉事丘廣戶部
郎中王務本為左右傅

丁丑太陰犯房

壬午冊 燕王妃徐氏 達長女

是月中山侯湯和穎川侯傅友德都督僉事藍玉王弼中書
右丞丁玉率師延安防邊

免保定河間去年旱租

故元四大王等侵朔州

二朔戌重定諸王公主歲祿之數親王祿五萬石鈔二萬五千

貫錦四十匹紵絲三百匹紗羅各百絹五百冬夏布各千綿

二千兩鹽二千引茶千引靖江王祿二萬石鈔萬貫餘物半

於親王公主祿千五百石鈔二千貫莊田一區其未封歲紵

絲紗羅各十匹絹布各三十匹綿二百兩餘郡王有差

王世貞曰是時親藩既少而物力方茂故所定如此及按

會典所載周王二萬石襲封萬二千石秦晉楚蜀慶魯寧

潘趙鄭襄荆德秀崇吉徽興岐益衡雍壽汝涇榮王各萬石代王六千石唐王五千石連韓伊王二千石岷王千五百石肅王千石與前迥異豈非慮宗支蕃衍為式貢之地耶然中間差等不一如岷王之千五百石肅王之千石反不如他府之初封郡王尚有二千石而岷府之郡王五百石更不着他府之鎮國尚有一千——其他如代府之六千唐府之五千韓府之三千遼府之二千或係轉餉之艱或係暫作行糧俱不可曉也又惟周王本色二萬石或係太宗母弟之故至其子孫尚存萬二千則秦晉二王獨非

太宗之母兄子

已丑秦安人於蒿里得玉簡十六上之則宋真宗祀泰山后土文仍命瘞其處

歲星逆入太微犯左執法

庚子秦王棟晉王柎燕王棣將之國命皇太子率往鳳陽

觀祖跡辭陵辛丑至鳳陽

甲辰河間知府傑斯為戶部郎中

己酉自己巳至是日太白晝見

三朝酉熒惑犯井

乙丑置同文局

置江浦縣

丙寅太白晝見

丙子刑部侍郎臧哲給事中兼府錄事李擴為四川行省

叅政起居汪蔣覺翰林編脩張鳳為廣西行省叅政編脩馬

亮任敬王璉王輝陳敏張唯典籍王偁應奉殿哲侍儀使孫

化秘書直長趙韶贊讀閣裕起居汪嚴鈍給事中方徽彭通

宋善王惟善為監察御史

授錢塘張善湖廣行省叅政初署職

己卯詔曰朕都江左於今九年西征燉煌北討沙漠軍需

甲仗皆資山陝且外有轉運之艱而內有秦晉二府宮殿之

役民勞未息比稽儲蓄已有餘矣夏秋稅糧其盡蠲之河南

福建江浙北平湖廣及淮揚徽池安慶亦與豁免

夜有大星自天槍行至角宿沒

辛巳侍儀使唐敏引進使陳汝器為監察御史

癸未火你赤為翰林蒙古編脩易名氏曰霍壯

是月故元兵侵山西都指使常守道擊敗之

賀州屯軍作亂桂林衛指揮姜旺擊斬千餘人

四明申朔刑部侍郎李浩還自琉球市馬四十匹琉黃五千斤
日本國王良懷遣僧上表入貢且謝罪 上以表未誠詔諭

之

已丑許天下銀鈔錢絹代今年租稅

庚寅有大星自太子星下行至句陳沒

壬辰改驛傳俗名二百三十二如揚州驛曰廣陵鎮江驛曰

京口等皆翰林訂定

甲午裁漢陽桂陽府改興國德安蘄灃全道武岡沅岳安陸

馮陽彬靖嘉定廣元廣安潼川德慶諸府曰州隨邛眉榮遂

寧巴渠大寧達化欽諸州俱曰縣

丙申置考功承勅司文三監令丞改侍儀司曰殿廷儀禮司

丁酉墊江縣丞潘彝言永寧衛軍苦遠餉雖募商入粟中鹽

未有至者入粟多得鹽少也乞減粟增鹽靡不趨矣從之

庚子罷澧州千戶所

癸卯定武官誥勅之制

戊申熒惑犯鬼

己酉加贈戰沒功臣趙德勝廖永安俞通海胡大海張德勝

耿再成桑世傑俱開國輔運推誠宣力武臣柱國爵謚如故

河州衛都指揮使甯正有邊功勩勞之正初冒韋姓
官山衛指揮同知乃見不花叛入沙漠官軍追之不獲

庚戌京師自去歲八月不雨至是日始雨

五甲寅朔工部郎中魏鑑禮部員外郎瞿莊為福建行省參政
安南陳端入貢令中書省諭其期三年無數

乙卯禁秦蜀軍民入西番互市

丁巳直武英堂監生郎敏為監察御史

戊午工御奉天門問學士宋濂等致賢何由濂曰取士莫
善於御舉里選人莫善於因能任官任官莫善於久居不

遷上是之

壬戌工匠乘危負重死者令工部給槨槨國子生送致其家
免徭役三年復為大祭之

癸亥晉王妃謝氏薨命議喪服帝后服大功諸妃小功輟
朝三日從之著為令

乙丑將北郊以有晉王妃之喪攷古制宋濂曰郊祭大事雖
三年之喪不敢廢示有尊也上然之

丙寅命親王宮飾朱大青綠餘室止丹碧省臣請概大青綠
上曰惟儉養德惟侈蕩心諸子年方冠去朕左右無靡之也

癸酉始霽連雨踰三旬

丁丑夜有大星自狗國流至近濁没

壬午日本入販海貢馬二卻之

改登州為府置蓬萊縣

是月故元國公九住侵陝西塔灘官軍追獲之

六月亥翰林侍講學士宋濂為翰林學士知制誥兼贊善如故

賜誥曰爾濂雖博通古今惜子臨事無為每事牽制弗決若

使檢閱則有餘用於施行則甚有不足然方今儒者以文如

卿者甚少念卿相從久矣特授翰林學士承旨云

談遷曰觀宋景濂制詞則文人類可知矣 聖祖求賢如

不及辰褐卯紳非不以三九藉景濂顧其才未之逮也

建文帝任方希古身國並敗夫景濂之視希古也奚間乎

噫 聖祖亦可尚矣

太白犯畢

戊子彭州知州胡子祺為延平知府

客星見天倉七月乙亥没

己丑中書舍人王輝任敬趙觀陳瑤李雲為監察御史宋璫

陶遠為中書舍人

勅大將軍徐達捕

壬辰大都督府同知何文輝卒文輝滁人年十四工子育之從征屢有功卒年三十六

甲午改各行省為承宣布政使司布政使一左右參政二

乙未日照知縣馬亮考績入京莒州上其考曰雖未課農興學而長於督運上曰農桑本務也學校化原也有司舍此

以督運稱奸矣遂被謫

丙申開封知府王博為戶部尚書

丁酉白虹見

己亥重作奉先殿成

辛丑征上前將軍曹國公李文忠還自北平

壬寅翰林編脩吳為承勅監令周五冬為監丞

乙巳羽林左衛指揮使毛驥羽林衛指揮使陳方亮為大都

督府僉事

夜有大星自太微垣五諸侯南流角宿沒

戊申召岐寧衛經歷臨川熊鼎還京至西涼降戎朵兒只班

叛脅鼎不屈殺之及知事杜質內使趙成予鼎祭塋初上

下南昌鼎謁留承德清入中書省博士改太常并起居注遷

浙江按察僉事歷今官即上書言西式狙詐朶兒只班宜思
制之之道果如其料朶兒至正七年貢士

而涼岐寧漢唐內地不可棄朶兒只班非有歸向之誠特假
我聲援脅服隣邦為自安計朝廷宜思制之急則席卷而遁
雖得其地而無民緩之則恐羽翼既成而跋扈宜稍給其種
糧撫其遺民而以安衆心而以良將叅守之

已酉罷各布政司寶泉局

庚戌山西平遙主簿成樂考滿汾州上其考曰恢辦商稅
上曰商稅有限額外恢辦苛矣且於民事無裨命訊之

夜太白犯井

壬子改龍州土官趙帖堅轄廣西

錄故武官子孫遺棄者

蕭山華克勤為考功監丞克勤以僧使日本稱旨復姓

七月朔日食

甲寅刑部尚書汶上韓士原為江西布政使

丙辰刑部侍郎顧禮以親屬罪極例免官

壬戌韓國公李善長子祺尚皇長女臨安公主

甲子立倒鈔法鈔文昏爛抵行用庫收工墨三十錢

丁卯監察御史王偁等百二十三人為守令
戊辰增各處邊運所

己巳兵部侍郎李允為尚書

甲戌置黎州長官司

丁丑免蕪松嘉湖租三十九萬九千四百九十餘石

監察御史濟源即敏為饒州知府廉明有惠愛樂平人誣大

姓五十餘家謀逆詔以兵往敏力明其安俱得釋

是月賑昌黎盧龍遷安撫寧旱饑

湖廣山東大水

故元平章兀納歹執伯顏帖木兒來降時入寇潁川侯傅友德

大破之俘其衆輜重羊馬亡筭兀納歹遂縛以歸

大都督府僉事兼秦府左傅金興旺卒

乙卯戶部侍郎周斌即中僕斯為尚書左司都事徐鐸為戶

部侍郎

戊子選江淮軍士分守北邊關隘

癸巳五色雲見

增給廣東馬價初市民馬多轉買壘境以應

乙未御史蔡儀韓冝可為山西按察僉事

陝西都指揮使曹震為大都督府都督

己亥覽邦國王昔里馬哈刺剌的刺剌入貢

廣東布政司參政劉仁為應天府尹

吳印為山東布政使印孟縣人幼薙髮鍾山工入寺召語

悅之給家室

辛丑夜有赤星流於天津

癸卯國子生李鐸鄭士昂高雋韓貞董哲徐思誠趙起潛王

輓為監察御史

丁未安然朱希章善徐青為浙江陝西湖廣河南布政使

己酉遣視歷代帝王陵寢禁樵牧百步內設守陵戶二人推

崩者封塔之三年一遣祭郡縣所祠忠臣烈士時葺焉

庚戌思南宣慰使田仁智入朝還九江卒致祭

九癸丑遣諭大將軍徐達曰七月火星犯上將八月金星又犯

之可徧諭諸將嚴為備其故元闕官尤宜防範

戊午召秦王晉王 燕王還自鳳陽

己未太白犯右執法

壬戌華克勤趙司堅為山西廣東布政使

甲子禮部員外郎張籌為尚書

丙寅御史大夫汪廣洋陳寧劾太師李善長自子祺尚主狎
寵自恣 陛下疾不視朝幾及旬而不知問候駙馬都尉祺
六日不朝宣至殿又不加禮大不敬請付所司論法善長率
子免冠謝 上宥之

丁卯宛平大興地震

高麗國王王頴子禰上表賀壽貢方物

戊辰命外官祭祀叙品初獻都指揮使亞獻布政使終獻樓
察使

庚午有大星自五車流天舡閣道沒

甲戌故北平都指揮使朱杲子煜為燕山右衛世襲都指揮
使都指揮世襲自煜始

夜有大星自羽林軍流壘壁陣至十二諸侯沒

戊寅 皇子 橫生

大都督府照磨陳銘為吏部侍郎

置王山神策二門于戶所

己卯中書言福建叅政魏鑑懼莊掠奸吏至死 上賜璽書

曰吏詐則蠹政、蠹則民病朕嘗痛之今丞相所奏唯仁人
能惡人也爾尚終始能其官

是月故元太尉神保等來降

閏九月朔有星自天舩流入紫微至四輔

庚寅災異詔求直言

丙午海州學正南昌曾秉正上言創業與守成不同創業之初則貴富強用趨事赴功之人大統既定邦勢已固惟患保守成業於永久為難耳此時當思盡革向弊何為應天心何為慰人望云上嘉之召拜思文監丞

懷慶知府莆田林方徵上言風憲官以激濁揚清為職今乃計其事績多寡定為優劣以故不聞旌廉能而專務羅織人

罪多徵贖罰此大患之又去年諸行省官吏悉坐空印被罪

而河南參政安然山東參政朱希反得陞擢朝廷賞罰有失

明信何以示勸懲上曰安然齊東軍民內附朱希有矜才

吾之卿猶得陞擢議功能也爾言羅織人罪何人多徵贖罰

何官具對徵擢上怒降沁陽縣丞

庚戌更大都督府參議曰掌判

平遙訓導寧海葉伯巨上言當今事太過者有三分封太侈

也用刑太繁也求治太速也何以明之日君象也月臣象也

五星卿士庶人象也臣愚不知天象姑舉所聞詩曰彼月而

食則惟其常月刑於日猶之可也而曰日月相見則月敢抗
日者臣敢抗君矣臣竊觀主上起有天下掃除群雄如踐
草莽包絡豪傑如動臂指公卿大臣猛將謀卿外擁數十萬
衆馳召以一介之使拱手聽命莫敢後時安有抗衡之患工
天示象列為分封傳曰都城過百雉國之害也大都不過三
國之一中五之一小九之一上下等差各有定制所以強幹
弱枝遏亂源崇治本也國家分裂境土大封諸王蓋懲宋元
孤立之弊然天子畿內地止千里秦晉燕齊吳楚諸國各盡
其境以封年少淺事之王都城宮室亞天子之畿賜以甲兵
衛士之盛比於金吾緹騎書曰列爵惟五分王惟三王亦爵
也而國都兵衛與京畿等尚有君臣之分予臣恐數世之後
間隙易起觖望易生漢之七國晉之諸王可為永鑒臣所謂
分封太侈之過也臣觀歷代開國之君其結民心者未有不
自緩刑者也其離民心者未有不弛德急威者也三代秦
漢隋唐享國之數具在方冊昭哉可觀今議者曰宋元中葉
之後紀綱不振專事姑息以致喪亡此行小仁而滅大義
主上所以矯枉之過權神變之法制不宥之刑然臣聞開基
之主垂範百世動靜合準繩然後子孫有所持守况刑者民

之司命可不慎與夫刑罰貴中過與不及皆非天討既不假貸則一付大司可也而定刑之際皆出聖衷至使治獄之吏趨求上意深者多獲功愆者多獲罪至論沒贓多寡以叙治獄殿最欲求平允豈不難哉近者雜犯死罪免死充軍其餘以次做流徒律又刑定舊條減宥有差漸見主上好生全活者衆矣然尚未聞申戒之令是以法司猶踵舊習古之仕者以登籍為榮以罷職為辱今之仕者以混跡無聞為福以受玷不錄為幸以屯田工役為必獲之罪以鞭笞箠楚為尋常之辱其始也朝廷網羅天下士若恐有失有司催迫上道

如捕重囚比至選除多以容貌非學非所聞所用非所學一陷於法苟免誅僇屯田工役為輕典矣士者未任尚知畏慎既薦入仕盡決平生肆然而取諸人則曰行且屯田工役何以為資則曰行且身死妻子何食不畏廉耻甘速官誘獎在清濁不明善惡無辨議賢議能之法廢而為善者怠也漢世聞徙大族於山陵矣未聞實以罪人者也今鳳陽龍興之地陵寢所在率以居之近令願入軍籍者免其罪復官者亦見原而猶聞其餘丁口屬尚拘屯作天犯罪家長既宥而復之矣餘丁口屬復何辜哉是以怨嗟愁苦之聲充斥園邑甚非

朝廷所以恭承宗廟意也。天有戶口而後田野闢，田野闢而後賦稅增，異日百姓苦兵流離，他所朝廷許之歸附土膏未諳其利，耒耜未安其處，固宜推輿而休養之。殘偽四大王竄突山谷如狐如鼠，以計擒獲或猶可致，乃勞兵討之，彼之驚駭潰散於無人之地，較奔走則彼熟路而輕行，較生死則彼致死而重戰，捕誅數歲不得首領，亦其固然。乃移咎新附之民，盡遷太原諸郡，既許之附，又動之遷，是法不信也。近者已納稅糧之戶，雖特旨分釋還家，已起戶口，雖蒙憐恤，見留開封期候軍士，尚猶村落心膽震悸，民居訛動，莫知所為。况太原諸郡外界邊鄙，遷徙無常，反易逃匿，甚非朝廷所以安寧塞圍意也。凡此臣所謂用刑太繁之過也。昔年周自文武成康而後教化行，漢自高帝至文景而後富庶臻，致治之道固不可驟也。國家紀元九年於茲，天下大定，綱紀大振，亦可謂安矣。而主上切、然猶以風俗澆漓，法出奸生，朝誅暮犯，民無所懼，乃致命下而尋改已赦而復收，天下臣民莫之適從。夫天下之趨於治也，猶堅冰之將泮也，冰之堅非一日之太陽能消之也，天下之治非一人之聖人能致之也。孔子曰：王者必世而後仁，道齊以刑禮而漸摩以仁義，非空

言也。今之天下猶古天下。因民好善惡之心以求治則莫先正風俗。欲正風俗則莫先使守令知所務。知欲守令知所務則莫先使風憲知所重。知風憲知所重則莫必朝廷知所尚。朝廷之所尚則必以征賦期會獄訟簿書之不報為可怨。而世俗流弊敗為不可不問。古之守令民之師帥以善導民使化成俗美者也。征賦期會獄訟簿書固亦其一職也。今乃以為急務而以農桑學校王政之本為虛文。方春守令未嘗行課種蒔次第早澇預備之具也。下一文帖里甲回申文狀而已。是虛文。夫農桑也。唐膳諸生國家所資取人才之器。

令未有禮讓之實作其成器也。朝廷置立社學切、蒙養守令未嘗巡行考視教以孝弟忠信之實作其禮義庶耻之風也。是虛文。夫學校也。此守令未知所務之失也。風紀之司朝廷宣風導化勸民成俗極治萬務者也。獲賦獄特其一端耳。今也以獲賦多者為稱職以獄少者為關冗。雖有忠臣孝子義夫節婦任其湮沉隴畝之間而不暇舉。若是謂之察惡亦近之矣。安在宣導勸成使民遷善遠罪而不自知也。此風憲未知所重之失也。凡此皆臣所謂求治太速之過也。上怒其言分封曰。此離間吾骨肉。逮下獄。瘐死。而同邑鄭士

利亦言事被詰責輸作終其身時考較天下錢穀冊書空印
事起凡主印吏署字有名者皆逮御史獄。數百人自尚書
至守令署印者皆坐抵欺論死佐貳以下榜一百戍邊丞相
御史大夫莫敢諫士利詣闕上言故事而於空印為詳。上
怒詰主謀者不為屈猶以假公營私罪之卒殺空印者數百
人

談遷曰鄭居升論事切直逆覩來輒有洛陽痛哭之風
高帝能受言獨犯震怒時方倚重屏翰能無忤乎空印事
諸主吏雖無他然弊不可長朝廷深懲之未為過鄭好義

慨然訟言其失輸作終身亦未為非幸也

朱國禎曰高皇開創用法一主於嚴胡大海方治兵處
州其子犯酒禁手刃之曰寧胡大海反吾號令不可違也
蓋截斷如此而謂嘗之者有可幸觸之者有可全乎糧稅
空印雖行之已久然高皇深惡舊習事無小大必經奏
斷方與施行今未嘗奉旨一發勢在必誅於是每歲用御
史查刷其法至精密而空印事亦迄今永革當日上下相
沿之習非此一怒必不能撤而去也至分封之疏利害明
白誠為正論然高皇起徒步成混一精兵良將滿天下

偃之則不可付之他人之手必且為變故分隸諸王使之
習兵盡其才以暗讐奸人窺伺之志即如文皇天表雄
奇才幹超絕決非人臣之相一恒人知之以高皇神聖
父子間周旋四十年豈不了了而付天下於偏項文弱之
太孫何名特以倫序為重氣運尚艱不得不盡人事之
正以候天道之徵故置文皇於元之故都隱然與南並
峙而祖訓中明開訓兵待命剪除奸臣之語宛然文
皇遺囑上恭氣數下度人事而中又卜之子孫遲回審固
其慮長而其心則已苦矣乃居升之言既不足仰窺聖意
齊黃之議則又自在建文駁運中無可奈何卒之壯年兵
起一番掃除天河地軸皆為翻動而藩王之權以次漸削
承平以至於今日似皆入高皇計策中意聖心淵微
上與天通有不可明言而獨自逆觀豫有以待者夫漢高
濶略年不甚永晚征點布傷且困矣料身後事尚灼、不
爽而况高皇度越千古為社稷蒼生計反奢於制而兆
之學子總前後論之其初太寬勢也中乃稍密亦勢也今
則錮之一區之中絕之四民之外國賦傾庫矣而庶民不
得宿飽玉牒充棟矣而宗子誰是維城祖制然乎哉祖

制然子哉

時山東叅政宋善闇鈍按察副使余奎監察御史孫化山東
布政使檢校傳奎守禦莊浪指揮僉事李景冬應詔言事
上是之又崇信知縣潘函海寧縣丞方仲容福山縣丞徐謙
黃巖縣徐季清安吉衛軍丘綏山西分教國子生余懋亦
言事俱不可行

罷弘文館

十
辛亥朔改定連後衛為蓋州衛

夜有赤星自霹靂西行數小星隨之至天津沒

丙辰甘肅衛經歷沈立本為戶部侍郎西京衛經歷許傑為
刑部侍郎

己未新太廟成

奉各 帝后主於太廟

庚申四川黃平羅慶等叛蠻平

辛酉諭右丞相胡惟庸御史大夫汪廣洋等釐正大明律十
三則

丙子命秦王 楨 晉王 桐 燕王 棖 吳王 橚 楚王 楨 練兵鳳陽
戊寅太陰犯心

詔勞山東布政使吳印時言事稱旨

十一年己卯朔上與侍臣論及古女寵外戚宦官權臣藩鎮夷狄之禍因曰人君不惑聲色宮闈嚴禁貴賤有體恩不掩義則無女寵禍不牽私受裁以至公則無外戚禍掃除供給不假兵權則無權臣禍脩武備謹邊防則無夷狄禍

壬午上南郊夜有赤星自明堂犯房心二宿一小星隨之至近濁没

癸未浙江都指揮使徐司馬調河南戊子徙山西真定民於鳳陽屯田

庚寅斷水人王盡七世同居旌其門

華嗣淮安侯

西域獻良馬

辛卯翰林編脩華亭朱孟辨工部照磨崑山盧能吏部奏差鄞縣史靖可俱博學能書授中書舍人

潼關守禦千戶所改潼關衛

壬辰故元保寧王雅納失里宗王洋古圖別里帖木兒把的忙哥者乃馬歹等及遼陽行省左丞達哥走等自大同來降俱授浙江等衛所鎮撫

乙未月食而暈

丙申夜太陰犯鬼

壬寅李新為大都督府僉事

戊申靖江王守謙之國

是月饒州保定旱災免田租

十二月庚戌朔頒建言格式初刑部主事茹太素上書萬七千言

五事上命中書郎中王敏誦而聽之至六千三百七十言

言不當工怒朴之次日中夜上卧榻上令人復誦直至

萬六千五百言方有五事言僅五百餘而四事可施行於是

立工書陳言式繁文過式者罪之自為序

甲寅賑蘄湖嘉興松江常太平寧國杭荆黃水災遣戶部主

事趙乾等

戊午浙江參政高北平參政唐俊為刑部尚書江西參政李

敏為工部尚書李仁為戶部侍郎

己未定諸司官九年為滿知府歲一朝佐貳官及州縣三年

一朝尋詔知府亦三年

庚申中書司郎中王敏為吏部尚書

辛酉吏部侍郎張度降常州知府

癸酉罷西安行都指揮司

己卯改富州為豐城縣

貴州衛指揮顧成平新添甕傍等蠻

送故元行省叅政永寧蔡子英歸塞北子英元進士嘗叅擴

廓丞相軍事兵敗單騎跳關中轉入南山吏跡之傳詣京師

渡江一夕亡去變姓名關中為人賃舂久之復見跡械過湯

和所困辱之不屈有妻流洛陽道欲見子英謬曰吾故鰥耳

遂至京上欲官之子英退而上書曰皇帝恢廓宏圖曲

宥亡國之臣不自死慚負皇帝往者軍敗見俘漏命刃下

荆棘之息延及七載童勞吏卒掩捕自外天化復忤貴臣萬

分不足以辱膏斧皇帝不即下司敗使得以衣冠待罪外

傳循香賜新授骨封肉上恩德死且不朽臣有痼疾迷於

心志藥石匪解竊謬惟年本書生奪志行伍過辱壯帥知薦

仕底七命躍馬食肉十有五年進不能効尺寸陪國家之論

退不能畢命桴鼓以媿封圉之臣一遺板蕩覲顏失節皇

帝既不振武功踐華苞字窮髮臣嚮堅甲利兵宿積陳糜猶

以為歎於志下有司飭學校褒予死節風示後世豈以耆俊

盈列侍臣為多令亡命俘玷維新之化哉皇帝幸哀憐

臣母血藁街而以投瘴海禦魑魅無人之境臣若茹菴書工
益異之一夕哭不止舍人問之曰吾念故主也 上聞而歎
曰吾何苦一蔡子莫彼喋、泉下誓我哉初有司送出塞從
元主於和林

王世貞曰語云君行命臣行志豈不以天子之威極於僂
身止矣勝國諸大夫委狗鈇鉞然未有併其身全之者夫
節士所守不見奪人 聖主所風不奪人守則 高皇帝
之謂哉

談遷曰 高帝教蔡子英於廟祀福壽尤為難彼死魄耳
尸而祝之適成我名子英雖窮一安知非張元吳吳輩也
縱整投林包荒無外 大哉其如天之德乎雖然子英之
書不上非江南老布衣則獲輿中人耳惡能垂日月之光
全其夙尚哉

命大都督府司知沐英詣陝西至歷河間民疾苦
是月置杭州前衛登州衛
上謂中書省臣曰元末選法淹弊選人久守乏資則糊口卜
醫使賢者喪所守今亦聞久客空乏其自今選後皆予道里
費有司差品給舟車送之著為令

勅兵部曰天下衛所軍士皆四方之人月給足自支而已死
亡棺斂曷所出自今予權葬之著為令

丁巳洪武十年

正庶辰朔兵部尚書李允改禮部吏部侍郎麗水陳銘為兵部尚書

壬午汝南侯梅思祖往濟南青州閱兵

乙酉翰林學士承旨宋濂致仕令其孫慎護行濂至家表謝

上手詔答之自是歲一朝

丙戌工部奏差張致中言三事曰選用御史曰立常平倉曰

開北方荒田上嘉之擢宛平知縣

癸巳西安州地震

甲午都督僉事曹震為河南都指揮使

己亥罷將作司

乙巳徵士李文卒汶龍泉人同葉琛章溢等知名

丁未罷司文監

是月都督僉事藍玉練兵東昌

融州盜起官軍捕斬之

琉球國中山王察度入貢

安南陳煇攻占城大敗被殺

高麗求故王王顯謚號 上聞其被弒不許

二月丙朔遣祭歷代帝王及先農

辛亥勅天下沙門講經化度

乙卯刑部尚書唐俊為福建右叅政

丙辰秀才淳安徐尊生為翰林應奉

丁巳禮部尚書李允失職降太僕寺丞

戊午夜太陰犯鬼

己未裁香河縣改鄒州為縣

壬戌翰林編脩傅藻為應奉

癸亥 皇子植生

甲子賑蘓松嘉湖水災

丁卯免仕者徭役著為令

薛應旂曰 國初待士免役豈不厚哉但後來士人有自處以薄者受人詭田而齎民率多重役遂致勅士待賢之

道不能有終矣

己巳遣監祭御史吉昌等十三人分巡山東廣西等處
白虹貫日

壬申北平按察僉事呂本禮為部尚書

國子生范與辰言事稱旨命攝刑部主事

三月卯朔國子助教會稽錢宰致仕宰博學能文請老特賜勅
曰爾積學訓士士方有矜式引年而歸朕甚念焉特授文林
郎國子博士致仕尚師表一卿開誘後進不媿古者卿大夫
壬午刑部侍郎李浩為湖廣按察使

甲申夜太陰犯天鐸星

癸巳戶部侍郎徐鐸為平陽知府王鏞為嘉興知府

乙未詔故官復其家徭役三年子孫才可任者聽赴京

改稱歸縣曰長寧

夜太陰犯心

丙申復永城侯薛顯全祿

戊戌增滁陽儀真香泉六合天長牧監俱隸太僕寺計種馬

萬七千三百八十五匹

丁未上與翰林諸臣論日月五星之行皆主祭氏左旋之

說 上曰天左旋日月五星右旋蓋二十八宿經也附天體而不動日月五星緯乎天者也朕自起兵以來與善推步者仰觀天象二十三年矣嘗於清夜指一宿為主太陰居是宿之西相去丈許盡一夜太陰漸過而東矣由此觀之蓋右旋也歷家亦嘗論焉

是月靈璧袁亮等作亂官軍捕斬之

四 明 西 衛 國 公 鄧 愈 為 征 西 將 軍 都 督 同 知 沐 英 為 副 將 軍 率 師 討 吐 蕃 先 是 吐 蕃 部 川 藏 邀 殺 使 者 鞏 哥 鎖 南 等 庚 戌 善 化 長 沙 大 水

庚申賑宜興錢塘仁和餘杭

癸亥儀鑾司大使江陵葉茂為福建布政使

乙丑翰林編修桑慎陳晟署監察御史

戊辰賑太平寧國水災

加贈高陽郡公耿再成泗國公子瑜威州衛指揮僉事

己巳濟寧蝗

是月故元將也速犯慶陽官軍擊卻之

盜陷安溪縣泉州衛兵平之

田先衛指揮沙刺殺故元安定王卜烟帖木兒安定王子板

咱失里殺沙刺尋亦被殺

五戊寅朔廢獲嘉確山鎮平考城柘城新繁雙流金堂崇寧德陽丹研資陽什邡彰明濠陽營山儀隴西充渠江慶符筠連珙昭化蒼谿南部江油青神威遠大邑彭山丹稜中江蓬溪射洪名山武隆新寧鄆都南川隨應山璧城孝感光化棗陽上津竹山枝江益陽善化長沙當陽沅江通道新城定陶昌化交河滿城初東明永淳等縣俱糧少併入之改孟睢綿彭房灘賀融容藤橫等州為縣畿內江浙糧長萬石以上者增副糧長一人

甲申置守禦千戶所

乙酉蘄州知府江寧王興宗為河南布政使河南布政使徐賁降懷慶知府

丙戌高麗世子王禔入貢卻之

丁亥靖海侯吳禎督浙江諸衛舟師仍海運遼東

許邊民團結防虜

戊子戶部尚書周斌改刑部禮部尚書呂本工部尚書李敏為兩浙福建都轉運鹽使刑部尚書秦中商嵩降郎中侍郎高萬傑降員外郎

曹國公李文忠往鳳陽視師

壬辰陽曲地震陝西華亭雨雹

減秦州茶馬司令丞各一

遣監察御史王淵等六人分巡各布政司

乙未裁綏德州

登州衛拓新城命侯農隙

丁酉戶部尚書俛斯為山西右叅政侍郎況立本為尚書

己亥置東宮通事司令丞

庚子命太師韓國公李善長曹國公李文忠共議軍國重事

辛丑征西將軍鄧愈至吐蕃敗川藏之衆追至崑崙山斬獲甚衆

丙午復各布政司寶泉局

誅戶部主事趙乾以賑荆蕪等水災朕寢食不安乾稽顙坐視民死不在念

是月臨淄縣丞王基乞發山海寶藏及禁職官言事 上召

責而斥之

有內侍以父事內廷泛言及朝政即日斥還鄉終身不齒諭中書省曰閣人借小善小信固結君心而使辟專忍其本態

也者一為惑將不可抑矣朕決去之以懲來者
河間旱永州大水

番酋也速脫火赤等寇涼州指揮鄭遇春擊卻之

六月未朔延安侯唐勝宗城頡工

辛亥夜有大赤星自天紀流天市西垣没

癸丑江夏侯周德興往濟寧宜春侯黃彬往沂州理軍務

乙卯定各道按察司各府首領官資格

丁巳令天下臣民言事得實封直達御前

庚申裁磨勘司

進階文二縣為州改兩當縣曰徽縣裁廣宗縣

壬戌召鄧愈班師

丙寅命中外政事先啟 皇太子然後奏聞

永平大水

丁卯廢褒城沔洋漢陽平利縣

甲戌長子縣稅課局大使康有孚上三事曰重學校曰褒忠

良曰文武並用 上嘉納之

是月遣韓國公李善長魏國公徐達等十八人分祀嶽鎮海

瀆

七朔寅夜歲星犯亢

庚辰儒士趙普為東宮文學

辛巳夜有赤星自漸臺流天市垣沒

甲申置通政使司陝西叅政曾秉正新受命未赴拜通政使

應天府尹劉仁左通政

改承勅書監令丞為印

刑部尚書周斌為陝西布政司左叅政大都督府經歷尹性

為刑部尚書

置四川叙南府

己酉普定女知府適貴來朝

殺山東按察副使浦江張孟兼孟兼負才氣輕布政使吳印

印故僧也印訴上即治所答之孟兼捕書奏者印復訴

上逮孟兼市詔印曰除爾害矣

方孝孺曰孟兼中實無愾賊之心祇以尚氣好高人以故

為人所陷才能者人所欲得也苟無謙以處之而挾以驕

人其為身害奚怪哉

丁亥國子助教胡隆成為齊府長史

戊子劉璉為國子監丞其次子

戊戌初昏歲星犯亢

壬寅給中外諸司散官

乙巳劉仁仍為應天府尹

是月遣監察御史巡按郡縣

北平諸郡俱大水

淡巴國王佛喝思羅入貢

湖廣都指揮使周賢卒

八月申命行人李子南祭南昌康節山兩廟死事諸臣

已酉置定遠牧監

庚戌屋員丘為大祀殿將合祭焉太師韓國公李善長等董

其役

辛亥置寶泉庫

壬子夜太陰犯心癸丑選武臣子弟入國子學讀書

改建社稷於闕右亦合祭

丁巳三佛齊國王但麻沙那阿者卒子麻那者巫里立入貢

請封

丙寅熒惑犯天鐳星

丁卯夜有星自閣道經大將軍至游氣沒

壬申定百官儀從

是月年涼隕霜殺稼

九朔子朔免浙西被水田租

戊寅上謂侍臣曰荒唐怠主莫不藉口為無孰知無逸乃逸石則帝舜何曰倦勤大禹何曰惜陰文王何曰不遑食朕未旦臨朝晡後還宮夜披衣數起仰觀天象一星失次即為憂惕量度民事次第筆記待旦發遣非不欲暫安惟祇畏天命恐群臣以天下無事便欲佚樂股肱既惰元首叢脞故言及此

乙酉暹羅斛國王遣子昭祿群薦入貢命禮部員外郎王恒齎詔印封恭烈寶昆牙噠哩哆囉祿為王

成都地震

丙戌占城入貢

辛卯夜太陰犯昴

癸巳浙江布政司右叅政茹太素省視

丙申賑紹興金華衢水災

辛丑右丞相胡惟庸為左丞相左御史大夫汪廣洋為右丞相右御史大夫陳寧為左御史大夫右丞丁玉為右御史大

夫

是月分教北方監生俱召還錄用

十丙午朔社稷壇成行奉安禮升上祀奉 仁祖淳皇帝配

壬子觀心亭成致仕翰林學士承旨宋濂來朝召諭曰朕廟

社日致齋於此卿其記之傳示來裔知弗懈愈虔

夜太白犯進賢星

乙卯熒惑犯輿鬼

丙辰勅中書省曰熒惑占云主冢宰凶貴人下獄死不爾則

大灾上帝好生故愛德人而象之爾諸大臣知改愆省過焉

復令河州嚴備

良家子弟充驍騎舍人者悉放還

永平火賑灾民米布

戊午封大都督同知沐英西平侯祿二千五百石

辛酉賜百官公田充祿俸

甲戌封麻那者巫里為三佛齊國王賜馳紐銀印

是月大内宮殿成

十一月朔 上以大内宮殿不侈謂侍臣曰朕夙夜慮驕盈凡

有興作量度再三不獲已乃為亦未嘗敢侈皇后宮中亦能

儉以率下躬服浣濯皆非矯飾實恐傷民財殄天物皆對曰
善 上曰爾等歲祿有限日費無窮倘或過度侵牟剝削皆
原於此須體朕懷與共賢之

己卯 皇次孫允攸生 東宮妃出

癸未瓜哇國王一達那巴入貢

衛國公鄧愈卒愈虹人自盱眙率所部從於滁州累戰功得
封以征西將軍討吐蕃沈毅詳敏有所委不憚危苦功成不
矜歆禮朝士尤孝友年四十一道卒壽春喪至 上臨奠擇
塋城南西山追封寧河王謚武順子鎮嗣改申國公銘西安

衛指揮僉事

陶望齡曰衛公恭謹奉法事親孝與下有惠可謂士君子
之質行矣當王業始創專闡受服軍旅四駕以愈才武又
上所最信愛然未嘗一當大敵所至輒留鎮撫豈戰守之
任各有當與誠不足托於上勇不足威敵仁不足柔邇或
可使進取難與守也然則愈之烈豈不偉哉

袁泰曰寧河王之勲大矣哉方友諒之順流東下也卷土
合圍氣吞豫章頓兵堅城之下者三月其鋒銳亦少挫矣
卒之漂血康節僵屍彭蠡一發而殪雖 高皇帝之神武

然固守以待王師扼其喉咽使友諒進退失據者寧河之功也作鎮八州威嚴以敵愾恩信以撫人禮下賢士雖古名将何以加諸

王世貞曰愈之初以敢戰深入名亡幾而建方面勛最多而不甚偉然汗馬者無寧歲矣儋爵上公帶礪六王而以天死不獲終享其奉或謂高皇末功臣鮮自保者得天為幸是不然以愈之忠順勤勞雖為卑萬可也

吳曰寧河之卒猶在強年乃其東蕩西滌鎮撫八州聲色已奕、在諸將上至今襄陽人猶道之朱夢炎稱寧

河事母孝撫弟愛匪獨將略之雄兼有君子之行以故

太祖心重之光輔帝業作我世臣有以也夫

丁亥至日始合祀天地於奉天殿祝文曰曩遵古制分祀天地周旋九年於心未安誠以父母天地覆載生成之德一也及嚴奉禮祀別異南北人子事親曷敢異處竊惟典禮其分祀者禮之文也合祀者禮之情也自今春首合祀南郊永為定禮

己丑夜月食

甲辰夜歲星犯房

是月免河南陝西廣東湖廣今年田租

江夏侯周德興有罪當下獄特赦之召諭將相大臣曰昔廖永思犯罪屢宥不悛又復僭侈朕甚惜焉朕祭祀之時一心奏格及遣爾輩輒多利私慢神國家宮室之外未嘗築一臺榭汝輩私取材木自廣結構念昔相從皆赦不治夫法度者所以一天下也為功臣誅之再三難矣智人君子既自守法又能訓子孫是以爵位傳於無窮

御史大夫丁玉為平寇將軍討四川威茂等二酋董貼里諭新除有司官

十二月朔日食

丙午命諸司啟事東宮者二三大臣各決奏之

丁未錄殉事及病故功臣子孫丁忠等五百十一人授指揮千百戶有差

戊申置神宮監內使掌太廟洒掃陳設之事

庚戌內使金吉為員丘署令洪文杜慶為司香奉御

辛亥真臘國王莽荅甘武者特達志入貢

丙辰陽曲地震

甲子夜白虹貫月

戊辰威州土酋董貼里降置威州千戶所
是月各道按察司道來朝諭以風憲盡職
高麗入賀明年正旦 上諭中書省彼王顯被弒奸臣竊命
貢使五至宜遣人問嗣王安在如政出嗣王當依前王歲貢
馬千匹明年貢黃金百斤銀萬金良馬百細布萬匹仍還我
遠人否則弒賊奸詐將構禍於邊氓也

戊午洪武十一年

正朔戊朔封

皇子椿蜀王柏湘王桂豫王模漢王植衛王改

封吳王 構周王

已卯中山侯湯和進封信國公誥曰爾和雖舊將惟守昆陵
於忠有欠念相從之久泯前過論功今復念東平越南下閩
西擒罕腦兇酋長下巴蜀頗有其功特授信國公祿三千
石世襲

羅鶴曰湯信公雖云世祿二十八年湯公薨其世子鼎署

前軍都督僉事早卒嫡孫晟且長終太祖之世不令襲爵豈猶不忘毘陵時意耶

壬午皇子梅生

甲申置黃平守禦千戶所

丁亥雨木冰

己丑置江陰守禦千戶所

是月安南陳端弟煒遣使告哀命中使陳能弔祭

徵天下布政司官及各知府來朝

二月亥太陰犯井

丙辰勅中書省減淮浙鹽價俾商輸粟西河梅川給餉

浚濬泥河

己未徙故元臣二十五人部衆千九百人於平涼

壬戌熒惑犯五諸侯

癸亥皇太子祀皇陵右丞相汪廣洋從

東平侯韓政卒政睢人以元義兵長來歸授江淮行省平章

攻下張士誠將李濟於濠穴城攻安豐獲忻都敗竹貞平淮

東西山東出師河北削平堅寨得封上臨其喪贈鄆國公

子英散騎舍人

甲子考功監丞郭傳署湖廣布政司右叅政
辛未遣覈海康遂溪潮惠免其租

是月置茂州衛時四川都司脩灌縣橋至天陶關汶州土酋
孟道貴疑沮之指揮胡重勝等分田石泉灌口進蠻伏山崖
投石不能進乃間道潛出兩山後聲砲蠻駭道連敗之土酋
楊者七降詔置衛仍命平羌將軍御史大夫丁玉率兵征松
潘

三朔酉朔暹羅斛國入貢

甲戌翰林應奉永寧答祿與權致仕

元南河北道廉訪司僉

丁丑河間知府楊冀安等考績來朝分三等稱職無過者賜
坐宴有過稱職者宴不坐有過不稱職不預宴立於門宴者
出乃退

己卯夜文星自天津流五丈餘沒

庚辰 皇太子還京

壬午秦王檣晉王櫛之國燕王周王楚王齊王還駐鳳陽

命禮部定奏式

丁亥命庶官有才能者不次擢之西安知府李煥文寶鈔提
舉費震俱擢戶部侍郎餘量遷九十五人

己丑太子正字桂彥良為晉王右傅燕府長史朱復為左相
禮部員外郎朱夢炎為侍郎

都督僉事王誠陳桓為浙江都指揮使

辛卯征四川茶蠻洞俘百五十六人悉宥之

甲午熒惑犯積屍氣

丁酉始作牙牌給朝臣

庚子置莊浪分衛於碾北

是月遼東火

梧州知府望江周樂世致仕樂世有善政歸自衣衾外唯書

一篋

四月己寧夏地震城摧

戊申歲星犯鍵閉

己酉闕婆國王廢那陀喃入貢

禮部侍郎朱夢炎為尚書夢炎博學有文稽古定制預焉

兵部郎中陳銘為吏部尚書

甲寅定賞軍節錢例以期給

丙辰興化衛指揮使張赫為大都督府僉事

戊午永嘉侯朱亮祖言粵東沐陽二縣有野鬼數百夜持炬

上製文遣祭

置寧川衛成都

丁卯戶部尚書沈立本免侍郎費震為尚書員外郎王瑤為
侍郎侍郎李煥文為兵部尚書

辛未置寧海衛山東寧海州

是月建皇陵碑以儒臣多文飾自作文直述微時艱難勒之
元嗣君愛猷識理達臘殂於和林謚昭宗子脫古思帖木兒
立

談遷曰元嗣君初在儲貳膺監撫之寄逞其私臆猜擴廓
而奪其兵柄最計之失也中原盡棄流離漠北雖屢侵屢
敗而俘不為突厥臣不為呼韓終世長朔野不享不庭亦
餘氣所分臘矣國史輒稱其入寇彼故元之東宮也今日
之事楚人得之楚人失之乃云寇哉

改太原護衛為太原中護衛

籍鳳陽屯田者為軍補貴州衛

慶陽靈州屯田百戶山丹等叛陝西都指揮葉昇討平之俘二

千六百五十八

五月甲朔 皇子權生

癸酉命東宮文學傅藻等編纂春秋本末

丙子定天下歲造軍器甲冑等萬三千四百六十五騎卒力

二萬一千弓三萬五千一百矢百七十二萬

高麗琉球入貢

庚辰遼東地震有聲

癸未下沙木洞蠻叛湖廣官軍討平之

甲申置府軍衛

丙戌月食

丁酉免蘓松嘉湖通租六十五萬二千八百二十八石

留守衛改留守中衛

戊戌免永年等縣夏稅

己亥羽林左衛指揮使張銓武德德指揮使孫略留守衛指

揮謝能興化衛指揮同知張德俱為大都督府僉事遼陽都

指揮馬雲為遼陽行大都督府僉事各增賜公田千石

庚子賑聞喜萬泉饑民

宥廣東左右叅政劉益康濟羅當徙 工念其以監生侍諸

王也

應天府尹武昌劉仁卒予祭葬 元四川行省右丞降

胡人侵陝西歸德州之三全口官軍擊敗之
燕府左傅丘廣卒廣定遠人初冒嚴姓從渡江累功歷都督
僉事追封昌樂侯謚景成

六朔申改黎州長官司為得為安撫司

己酉兵部尚書李煥文改吏部戶部侍郎王琚改兵部吏部
尚書陳銘為大都督府掌判官

壬子遣使祭元嗣君曰當宋末造中原豪傑故非一人君祖
宗起沙漠而遂有之及君父子垂衣何期矢馬朕托身緇流
又何期得之天也嗚呼曩者因君與群臣之固志是用鄰好
不脩我不敢多使比聞君長往念昔元孫安忍不吊行人致

莫唯靈如在

壬戌夜熒惑犯右執法

丙寅置燕山中左二衛

丁卯夜寧夏衛風雨堯竿旗槩有火光

己巳五開洞蠻吳裔見作亂靖州衛指揮僉事過興死之命
辰州衛指揮楊仲名往討

七月丑賑橋氏等縣旱饑戶粟一石免夏稅

戊寅前戶部侍郎沈立本署刑部侍郎

己卯寧夏大雨地震

辛巳西平侯沐英城岷州置岷州衛碾北衛

癸未置寧山衛

甲申歲星犯斗

辛卯西安旱蠲其租

癸巳皇孫高熾生燕王出嫡長子

丁酉禁謫戍人不得上封事

己亥命光祿少卿徐英以茶紙衣服往罕東市馬四百六十

九匹

遣廣東布政使趙亨堅詔諭故元丞相驢兒於應昌

是月蘓松台楊海溢賑被災者

丙午歲星犯房

戊申前刑部侍郎顧禮為戶部侍郎

置鳳陽中右二衛

甲寅高郵獻白兔

乙卯陝西華亭雨雹傷稼免田租

己巳工部侍郎朱瑛為尚書

是月詔曰興王定亂肇福天下惟思民之勞先朕率兵渡江

姑熟金陵京畿宣城廣德徽州長興安吉宜興江陰相次版
圖六州四縣久勞於前朕不忘於我子孫今年秋糧特蠲
免

遣使詔諭金山元將納哈出

九庚午朔御殿頒曆

癸酉冊寧國公主

丁丑太白犯氏

戊寅成都華陽地震

吉安侯陸仲亨汝南侯梅思祖赴召踰期收仰亨公田奪思

祖俸

甲申置黔江守禦千戶所

丙戌勅李善長等曰卿等董大祀殿工有日矣善撫梓人連
成之來日實朕父母劬勞辰勿以此事離重役

丁亥置遵化衛

夜太陰犯天街

己丑客星掃天井西南行至十月己未陰雲不見

壬辰太原地震

丙申追封劉繼祖義惠侯婦婁氏夫人繼祖濠之太平鄉人

元總管致仕好施予捐地塋仁祖焉

談遷曰劉繼祖之德比麥飯豈粥鉅矣誠不可忘然首唱義旗肇開大業則滁陽王尤萬世功也進而推之雖血胤無傳求其支屬爵以列侯予茅土祠春秋不為溢矣

置府軍左右二衛

是月永寧衛落下池賊作亂官軍討平之

中都國子助教崇德貝瓊致仕瓊元貢士博學知名

復遣祭元嗣君

十月初申遣內臣吳誠詣總兵官指揮楊仲名行營觀方略

談遷曰此內臣監軍之始即不預軍事恐為所怵也

唐成耐馬都尉曹國公李貞慶貞盱眙人徙臨淮東鄉工

姊字之性醇謹宴見不以時每駕行輒令守宮省屢幸其第

宴懽甚貞表謝曰臣生長田疇弗勤稼穡惟知食力何望顯

融初年特蒙仁祖皇帝不以臣之庸愚俾居子婿之列久

在侍下報之罔極繼而中原兵起室家無存獨携幼子避難

他方跡寄於豺狼之區奔走於荆棘之地命危朝露豈意生

全幸遇聖明待以肺腑緬思往時之艱若豈意今日之榮華

尺寸絲毫莫非帝力年七十六追封隴西王謚恭獻塋盱眙

靈跡鄉

乙卯梅殷為駙馬都尉尚寧國公主

丙辰蘭陽河決免田租

戊午驍騎左衛改府軍後衛

夜太陰犯南斗

辛酉占城入貢

武德衛改府軍前衛

癸亥前戶部侍郎程昭為寧國知府

甲子興武衛改武德衛

是月大祀殿成

歸元平章完者不花於故元丞相驪兒原丞相部屬

十一月朔寧國知府涂節為通政使

置寧化守禦千戶所請築縣

五開蠻平命內臣尚履奉御呂玉勞指揮楊仲名閱勝

西平侯沐英為征西將軍率都督僉事藍玉王弼征西蕃

甲戌占城入貢

戊寅封丘河溢免田租

皇孫允熲生

癸未置太原左護衛

夜月食

乙酉陝西華亭縣旱蝗免田租

庚寅 皇太子妃常氏薨

壬辰臨江侯陳德卒德鳳陽人從渡江累功封贈杞國公謚

定襄

是月蘓州知府李亨在官廉勤憂去賜米鈔有勅曰卿守服朕未嘗忘也恐艱日給特賜家用服滿來朝

十二月 辛丑太白犯壘壁陣

除蘓松杭嘉湖魚課

復置興武衛

癸卯署刑部侍郎沈立本為尚書

丁未彭亨國王麻哈刺惹荅饒百花國王刺丁刺者望沙入

貢

辛亥暹羅斛國王入貢

甲寅欽仕翰林學士承旨宋濂來朝

乙卯衍聖公孔希學來朝

丙辰吏部尚書李煥文為四川左叅政

戊午金吾前衛改羽林左衛

是月僧宗泐等使西域

勅賜廣西布政使臧哲米六十石鈔二十五錠儒士仍服闋

來朝自是官憂去皆有賜

遣高麗使還勅責其挾詐殺使之罪

詔諭故元丞相哈剌章蠻子驢兒納哈出等曰元末多事群

臣有棄君自全有託朝命自擅目擊非一卿等獨仗義衛君

深塞有始有終矣聞欲立新君其親王有三皆嫡派母御尊

而扶早若有賢愚之別從賢則吉夫當流離之際臣能竭力

不絕元祀豈不難哉或置尊卑賢愚勿論但立君為名自專

生殺非人臣之道况彼此疑猜卿等富貴如飛霜深可慮也

己未洪武十二年

正朔未 燕王周王楚王齊王自鳳陽來朝

乙亥罷天下運司批驗所三十二

已卯合祀天地於南郊大祀殿奉 仁祖配先齋三日風和
日暖夜升壇澄霽尤甚 上大悅令儒臣紀之

太常寺志曰丘文莊云漢儒六天之說既有昊天上帝又有
有天皇大帝又有太乙感生帝之類皆非正禮也本朝惟
大祀殿祀昊天上帝凡所謂天皇太乙五大帝之類一切
革去三代以上祀典之正所僅見也又曰 聖祖合祀天
地於南郊之門壇而加屋焉則是泰壇明堂為一制也
列聖相承皆以 太祖太宗配是郊祀宗祀為一體也其
所義起者與

太陰祀并

甲申征西將軍沐英移兵征洮州十八族叛蠻

丁亥儋州倉副使李德言天下有司例滿九年而兩廣瘴厲
乞減一考從之於是雖兩廣非瘴厲者仍九年汀漳郴贛龍

南安遠亦瘴厲通叙

定丞相御史大夫等官歲祿之數

辛卯永嘉縣地震

戶部員外郎任柳為侍郎通政使冷節為御史中丞

甲午復置陝西行都指揮使司於莊浪

乙未命守制官在任三年上無^能贍者月如俸級予半級在任
三年如品級予全俸三月養其^能著為令
談遷曰 聖祖特嚴贍吏而祿及倚廬所以勸廉至詳且
渥也不知自何時廢矣惜哉

丙申始許國子生歸省賜衣鈔

平羌將軍御史大夫丁玉平松州叛酋

二胡戌朔曹國公李文忠往河岷臨洮鞏昌梅州措置城守邊
事

乙巳給天下孤老鈔助薪炭又京民孤幼戶給鹽十五斤孤

寡戶十斤

初昏有大赤星自天市東垣流游氣中沒昧爽有星自紫微

上輔流文昌沒

戊甲作神樂觀

己酉定遣使外國儀注

辛亥召前丹徒知縣濟南李思迪於閩中俾訓國子生思迪
元進士國子助教洪武初授起居注歷山西行省參政貶丹
徒坐失入人罪安置閩中 上嘉其守召之
壬子定公主郟縣王歲祿之數

丁巳命登州收渡海遺骸罪丹人棄者

己未羽林衛軍進白兔

癸亥勅李文忠曰二月二十五日知大軍入西蕃勝負必決矣符至爾即從洮州鉄城取道而出朕嘗有密諭當遵而行事須速成山西之軍還洮州擇人守焉

甲子夜有星自上台流井宿五小星隨沒

丙寅信國公湯和率吉安侯陸仲亨江夏侯周德興宜春侯黃彬鞏昌侯郭子興練兵臨清

征西將軍沐英等兵至洮州追擊其十八族酋長吐蕃川藏

皆降遂置洮州衛指揮聶緯陳暉等守之

三胡辰朔戶部尚書費震為湖廣布政使侍郎顧禮為尚書

初昏太陰犯辰宿

辛未暴風

勅平羌將軍丁玉曰三月三日捷至松州已克徐將資糧於容州進取潘州若盡三州之地則疊州不窮兵自服凡降酋必遣入朝朕親諭之

壬申置亳州護衛

給軍士布縷自製戰襖從山西布政使華克勤之言通行各

邊

江西布政司 叅政劉理下獄以誠意伯基子特宥之
丙子國子司業樂韶鳳為國子祭酒

戊寅暴風

壬午海陽人朱得原作亂潮州衛指揮崔廷討平之

初昏太白犯昴

乙酉萊州知府董俊為兵部尚書明州知府余文昇為工部

尚書平陽知府徐鐸為應天府尹

丁亥曹國公李文忠言洮州艱運勅曰羗 既片若棄之不

守數年後將患邊慮小費生大患非計也今所獲牛羊分給

將士亦足二年食阿卜商瘦瘠子必縛送之

己丑 皇子梗生

乙未 上朝退坐便殿召儒臣論治道國子學官李思迪馬

懿獨默 上謂之勅國子師生曰師也者模範其志竭胸中

所有發世之良能不隱而訓昔仲尼入周廟闕三緘於西階

戒妄言者也如其法奚何嘗禁拘國子學正李思迪馬懿朕

日召同游望時闕朕乃非有所問終日不語遣侍東宮亦復

如之或因旁言問及不過就他人言以對昇後未嘗效誠此

深其所學秘而務獨善者耶故勅師徒必達模範之所以
丙申勅李文忠沐英以所得馬悉送京師

勅曰朕給幼儒筆札今日講四書一章先儒古文一篇明日

皆來其先儒古文多以韓柳尋行數墨者有之粗知大意者

有之柳子厚之兄司牧邕州構亭馬退山嶺斯逸樂也子厚

不規乃咏亭美於民何利馬退山茅亭記文之無益也幼學

亦以將至空逾日月此其可不戒哉

四明辰眉縣人彭普貴作亂殺知縣顏師聖勅四川都指揮

亮等捕之

戊申刑部尚書沈立本為江西布政使大都督府斷事官霍

矩為刑部侍郎

庚戌皇子摠生

光祿寺卿徐興祖致仕賜銀鈔仍祿之

夜滁州雨雹

丁巳置內府尚衣尚冠尚履三監針工皮作巾帽三局甲乙

丙丁四庫改尚珮局曰監

戊午募浙人補校尉力士凡千三百四十七人

庚申日交暈

遼東守將潘敬業、王等言高麗致書饋。上戒以人臣無外交，爾其慎之。

乙丑，勅李文忠、沐英等曰：四月庚申日交暈在秦分，主戰關已未太白見東方，甲子順行而西，西征大利，且順時追擊，當

勅吏部曰：朕思創業以來，文武群臣宣力効勞，皆天之賜。今多年高，宜令致仕，樂其壽考。秩三品以上者，仍舊四品以下各陞一等，賜誥勅。沂州判官李齊等泗水主簿陳禮等皆加官致仕，賜勅。

前湖廣左叅政無錫張箒為禮部員外郎。

丙寅，臨汾縣地震。

是月，置松州衛、紹興衛。

五月卯朔，陽曲縣地震。

庚午，給工匠鈔，悉遣還。

丙子，初昏有赤星，自柳宿流游氣中沒。

己卯，定遠縣雨雹，傷麥。

癸未，免北平稅課。

戊子，青田縣大雨，水壞居人。

初昏有大赤星自天厨没於騰蛇昧爽又星自建星没於女宿
已丑勅責四川都指揮音亮朱輔等淹師蔓寇不即擒滅爾
罪何逃軍中惟指揮茅貴勇略有功千戶瞿闕亦効力將士
勤怠朕悉知之

唐寅勅李文忠分軍自棧道勦蜀寇

壬辰嚴州大雨水漂廬舍入畜

閏戊戌太白晝見

丁未日本國王良懷入貢

丙辰夜有大星自騰蛇至雲中没

庚申袁州通判卽墨隨贊為廣東按察使贊元官入朝授英

山王簿討叛晉知縣禳虎暴晉通判政簡事治

辛酉初昏有星赤芒自六甲行至文昌没

六月卯 上欲罷松州衛平羌將軍丁玉言其不可從之詔玉

還四川

都督僉事馬雲征大寧

壬申定 東宮與親王往來書式及相見禮先 東宮書曰

記諭答諸王書日記答諸王奉東宮書曰謹啟

華容縣大水

甲戌勅遼東守將潘敬業旺以高麗龍州鄭白等率男婦來降切不可留春秋有云毋納逋逃不然邊患啟矣
夜太陰犯房宿

丙子召吉安侯陸仲亨江夏侯周德興宜春侯黃彬還京
戊寅夜有赤星自壁宿行至羽林沒

庚辰設北平各門兵馬司

辛巳改黃州守禦千戶司為黃州衛

甲申賜元丞相驢兒書丞相微有疾朕聞之深為憂特遣費

藥物其服之無疑

乙酉編春秋本末成

己丑江夏商水縣大水

甲午夜有星自外屏行至近濁沒

改廣西護衛為桂林左衛桂林左衛為桂林中衛

七月未朔祔海國公吳禎等百九十三人於功臣廟

丙申召曹國公李文忠還京

夜有大赤星自王良行入紫微工宰沒

乙巳荊州故陳友諒舊校孫諒等謀逆捕斬之

胡人犯阿蘭溪口大同右衛指揮魏平擊敗之俘六百餘人
夜太陰犯建星太白犯鬼宿

丙午有赤星自土司空至鉄鑽沒

丁未裁河州府

庚戌河州衛千戶寧正為寧夏指揮僉事

甲寅陝西都指揮使葉昇留守右衛指揮仇成為大都督府
僉事

乙卯夜有赤星自畢宿行至近濁沒

丙辰平寇將軍御史大夫丁玉討眉縣盜彭普貴等平之命

罪都指揮音亮等如軍法

己未曹國公李文忠還京提督大都督府事

庚申改瞿塘守禦千戶所為瞿塘衛隸湖廣都司

八月卯 上御華蓋殿語侍臣曰人之害莫大於欲惟禮可以

制之先王制禮所以防欲也循禮可以寡過肆欲必至滅身

己巳吏部尚書陳烜卒

辛未右丞相汪廣洋疾勅勞之

乙亥夜熒惑犯鬼宿

丙子改蘄州守禦千戶所為蘄州衛

丁丑置漢中嘉陵等七驛

陝西檻送蕃酋二十二人湖廣檻送盜蠻九十四人永寧蠻婦二十七人戍海南遠東洞獠蠻婦分送華牧所皆給糧
戍寅減案牘繁文元末案牘最繁冗專聽老吏恣奸利至是
上厭之命廷臣定其制

夜熒惑犯積屍氣

己卯昧爽有大赤星自奎行至游氣中沒

庚辰延安侯唐勝宗督海運還京上遠東城堡兵餉之數
辛巳令致仕官鄉居宴會毋坐士庶下同官序爵著為令

壬午國子助教馬從龍告老以翰林應奉致仕

癸未太常司卿唐鐸憂去

乙酉發三千騎屯鞏昌臨沅防番寇

增兩廣要地巡檢司

丁亥勅宋國公馮勝曰命爾督建周王宮室間將以九月興
工中原之民所恃二麥此其播種時勅到放還之

九月未戶部尚書顧禮改刑部

丙申置山西廣昌守禦千戶所

己亥征西將軍沐英等擊敗西番三副使兵擒三副使獲

子等殺獲數萬人獲馬二萬牛羊十餘萬班師

庚子刑部尚書顧禮卒禮崑山人

癸卯興化府地震

通政司左叅議江夏方鵠為中書省左叅政禮部員外郎張
籌為尚書

甲辰御史臺御史大夫丁玉為左御史大夫浙江布政使晏
然為右御史大夫四川右叅政秦中為左御史中丞重慶知
府殷哲為中書省右叅政戶部侍郎任彬為尚書滁州知州
魏鏗為禮部侍郎

乙巳河南都指揮使曹震為大都督府僉事兼四川都指揮
使

丁未常州知府張度為吏部尚書

戊申置四川威州衛

己酉改鳳陽行大都督府留守司為留守中衛置留守左衛

丙辰置北平永寧衛及古北口守禦千戶所

戊午占城入貢中書省不即奏內臣出以聞勅責胡惟庸汪

廣洋等

龍巖人汪志賢作亂福建都指揮斬獲殆三千人餘遁海

壬戌閩縣地震

釋瓜哇使臣還國初瓜哇東番王勿陀勞網結西番王勿勞波勿入貢意未恪留其使

罷四川梁山太竹二守禦千戶所

癸亥秦王撫晉王柵來朝

十明子朔大都督府僉事陳方亮降海南衛指揮同知

辛未初昏有星自女宿行至建星沒

戊寅月食

己卯瓜哇國王八達那巴那務入貢

征西將軍沐英等至京

辛巳有星自軒轅行至軫宿沒

甲申置鎮海衛太倉州

乙酉暹羅斛國入貢

海南衛濮英為陝西都指揮使

丙戌興化府地震

丁亥置浙江昌國守禦千戶所

召永嘉侯朱亮祖於廣東亮祖多不法番島知縣道同以聞故召之

癸巳儒士吳況為翰林待制

十一甲午朔 上讀漢武帝紀語吳況曰人主理財當視國如家父子而異皆家必墮矣君民猶父子也損民益君君獨富能乎哉

封大都督府僉事仇成安慶侯藍玉永昌侯謝成永平侯張龍鳳翔侯吳復安陸侯金朝興宣德侯曹興懷遠侯葉昇靖寧侯曹震景川侯張溫會寧侯周武雄武侯王弼定遠侯俱祿二千石世襲

儒士耿祿張經道為吏兵部員外郎吳玄高炳為刑工部員外

郎

乙未夜有大赤星自天苑行至外屏沒

己亥北平都指揮使郭英浙江都指揮使王誠陳桓陝西都指揮使濮英蕭成寧州衛指揮僉事高顯虎賁右衛指揮同

知何德府軍衛指揮僉事張翼並為大都督府僉事

上御奉天殿朝訖語待制吳況曰進賢納諫最人主要事曰第行者鮮之故亂多治少 上曰真知其賢與國何有不進真知其諫忠也何有不納惟知之不真耳

庚子雷

甲辰中書右叅政殷哲降通政司右通政

壬子置鴈門守禦千戶所

甲寅濟寧侯顧時卒於北平時臨淮人侗儻善戰從渡江累功封侯攻濠州從征張士誠戰昇山從北征世封拜征西左副將軍平蜀又拜征左副將軍與李文忠分道出塞迷失道糧盡士疲不能戰獨引數百人擊胡敗之掠重振士卒四

十六贈滕國公謚襄靖子敬嗣

戊午刑部員外郎東平呂宗藝為尚書元中書省叅政降

唐申都督僉事馬雲平太寧寇

清遠人房文廣作亂

辛酉戶部員外郎張璉為侍郎通政司右通政殷哲為中書

省左丞左叅議李素為右丞

兵部侍郎趙本為尚書吏部員外郎陸鎮為侍郎

十二月朔故虎賁左衛指揮僉事李實贈大都督府僉事予祭
癸亥朔故虎賁左衛指揮僉事李實贈大都督府僉事予祭
整實從沐英征番戰死土門峽

甲子太陰犯井宿

丁丑東宮侍書張統翰林院修撰近原霖為通政司左右叅議鳳陽府知事白志仁為戶部侍郎

戊寅致仕翰林學士承旨宋濂來朝

庚辰衍聖公孔希學來朝

甲申平羌將軍御史大夫丁玉還自四川拜大都督府進左都督

工戒其在軍少謀士又不得其心

庚寅監察御史夏伯俊為戶部侍郎

夜熒惑犯軒轅大星

壬辰諭中書選下筮官

是月右丞相汪廣洋貶海南追殺之廣洋字朝宗高郵人

未赴召留幕下歷省臣工書咏頹耽酒色怠事又憚胡惟庸

祇浮沉取容御史中丞涂節言惟庸毒劉基死

上問廣洋諱之怒其欺詔貶次太平馳勅曰昔助文正江西雖不能匡

惡自當明其不然何幽深隱匿以致禍生前同楊憲中書憲

奸惡萬狀匿而不言觀爾之為君之利視之君之禍亦視之

如此肆侮法所難容特追斬其首用示柔奸

談遷曰國史云廣洋得所賜書益懼遂自經天使人奉勅

從事安有坐視其投繯者則史臣飾之也廣洋當天造草昧短於相才宜早自引退乃欲以容、之福希覲效嚴主不敗何待

開西安府甜水渠李文忠引龍首渠水入城始甘飲

安南陳煒入貢上以安南割占城不已遂詔煒曰書不云
子母為亂首爾國與占城構兵十餘年朕未覩是非所在然
以社稷為博剽椎焚遺男女不得耕織朕兼愛海外元元甚
憐之往者詔諭爾等使寢戈舒忿爾實不奉詔陽解陰構毋
乃首亂違書戒哉春秋列侯國亡慮百數相繼逆賊無它背
君好戰二者已耳爾其鑒之

高麗署國事王禡貢黃金百斤銀萬金以違約卻之

徵天下博學老成之士皆至京江西布政使沈立本招故元

吏部侍郎西域伯顏子中飲鴆死子中寓江西舉省試授東

湖書院山長遷建昌教授及亂辟贛州路經歷歷分省都事

福建行省員外郎即中以吏部侍郎持節發廣東兵救閩至

則廣東下變姓名為黃冠游行江湖間會事定遁還江西嘗

以鴆自隨至是聘下子中喟大泣曰死晚矣歌七章祭祖父

師友仰藥死

王世貞曰嗟夫介哉伯顏子中也其間閔險阻躅而愈振

何異廬陵信公異焉天下盡屬明分已定久子中亦幾

無日哉處死矣詔至乃引從容仰鴆竟示不臣忠之時也

而諸薦紳先生薄元謂無所當狗嗚呼不得君臣哉
是歲除官二十九百八人儒士人才五百五十三人墾田二
十七萬餘頃

程

孫